


婦人良方

特別  
64  
231  
1



門 概 日  
猪 2 3 1  
水 1

卷之四  
三  
百  
三  
十  
七

一

二

註婦人良方序

病一也。而婦人爲難。醫一也。而識病爲難。夫病多始於七情。遠古之初。性靜情逸。精神純。每治于未病之先。治之以不治也。以故藥不試而躋上壽者比比。迨乎後世。恣情縱欲。精神

暢



耗而元氣索。病道且多。而鑿効日數。况婦人女子之性。陰濁勝而陽明微。喜怒哀樂。發而中節者寡。其爲病常浮于男子什九。欲診問以識所因。亦誠難矣。吳郡立齋薛君。雅好岐黃。素難之書。每爲人治病。察色辯脉。變藥立方。增吟橫出。優游容與。俟其自愈。不示功。不計程。期在必起。時精絕於醫者。不能及。尤旁通外科女科之指。間取臨川陳良甫所著婦人良方一帙。爲之補註。附以治驗。示余讀之。見其發揮經絡。揆度陰陽。網羅百病。凡

婦人症最人所難識者。彬彬可觀。蓋  
薛君生平精力不暇妄費。坐臥行住。  
須臾不離。嗚呼。斯亦觀其深矣。業者  
當自得之。

一本有嘉靖歲丁未冬十月  
阮望之十字大書之

秀水石山沈

謚誤

一本無

三刻太醫院補註婦人良方大全卷之首

凡例

古吳

立齋薛已撰

一本無此七字

一各論有重複闕畧悉遵素難及歷代名醫治法增減庶灼見本症  
病因不致分雜難曉

一各論有陳無擇熊齋峯二先生評論治法去繁就簡併入本論以  
便觀覽

一諸治驗原隨方者悉從其舊若詞義重複者刪之以便覽閱

一傷寒之症反覆變遷命係毫髮須熟讀仲景等書專爲一科庶無  
博而不精之誤

一製藥之法當因病制宜本集所云未備不錄恐執泥也

一各方有合大劑者今減作小方庶得臨症損益量病加減其有常服者悉仍舊

一十二卷首論妊娠所禁之法當為遵守其所用之藥不可輕率  
一補遺第二十四卷各卷已備不錄今補爾唇等一十四症方論足成其卷

一芍藥之性味酸寒產後用之於大補八珍等湯內以酒拌炒用無妨凡屬脾胃虛寒虛弱面色痿黃者亦宜酒拌炒用

用藥宜禁

各症詳見本門復錄之。以示急也。

本門之字有首卷特三字急字下有用字

一通經丸若脾胃無虧暴怒氣逆或生冷所傷陰血凝滯月經不通者宜暫用之若脾胃虛弱不能生血者宜用六君當歸若因脾胃鬱火內耗其血者宜用歸脾湯若因肝脾鬱怒氣血傷而月經不

通者宜用加味歸脾湯若因肝脾虛熱血傷而月經不通者宜用加味逍遙散 方見本門後做此

一艾附丸若脾胃虛寒陰血不足氣逆發熱月經不調或胎氣不成者暫宜用之若肝腎虧損陰虛發熱月經不調或崩漏帶下或便血吐衄小便淋瀝或嘔熱內熱寒熱往來或盜汗自汗不時倏熱宜用六味地黃丸若兼脾氣不足飲食少思者佐以六君子湯

一四物湯若脾經血燥發熱或月經不調宜暫用之若因脾經虛熱肝經怒火所致宜用四君子佐以加味逍遙散若因脾經氣虛血弱兼嘔熱內熱宜用八珍湯加柴胡丹皮若因元氣下陷而致諸症宜用補中益氣湯

一八參橘皮湯若胎前氣痞痰滯作嘔不食者宜暫用之若脾胃氣

言補如...  
虛胸膈痞脹痰停作嘔飲食少思者宜用半夏茯苓湯若因怒動  
肝火剋制脾土而致前症者宜用六君子加柴胡山梔枳殼脾胃  
虛寒者用六君子加木香砂仁內半夏治脾胃虛寒諸症尤當用  
一紫蘇順氣飲若胎動不安元氣無虧者宜暫用之若因脾氣虛弱  
者宜用六君子加紫蘇枳殼鬱結傷脾者宜用四君子加山梔柴  
胡蘇梗鬱怒傷肝脾者宜用六君子加柴胡黃芩枳殼  
一四物膠艾湯若內熱胎痛下血不止者宜暫用之若因肝經風熱  
而下血者宜用防風黃芩丸若因肝火血熱宜用加味逍遙散若  
因脾經鬱火宜用加味歸脾湯若因脾氣虛陷宜用補中益氣湯  
倍加升麻柴胡若因事下血者宜用八珍湯加膠艾  
黃芩白朮二味爲安胎之藥若脾胃蘊熱中氣無虧者暫宜用之

凡屬脾胃虛痞飲食少思或泄瀉嘔吐面色痿黃肢體倦怠者宜  
用六君子湯

- 一達生散若厚味安逸者宜用若蕪蕞勞役者不宜用
- 一妊娠腹痛須驗其面赤舌青者此胎已死用平胃散加朴硝三錢  
化下之下後隨用八珍大補等湯調補之若唇口俱青吐出痰沫  
者子母俱死也若面舌俱青者母死子活產下亦死
- 一小續命湯若外中風邪腰背反張筋脉痠痠者宜暫用之若產後  
失血過多陽火熾盛虛熱生風者宜用八珍湯加釣藤丹皮如不  
應當用四君子湯加當歸丹皮釣藤若陽氣脫陷者宜用補中益  
氣湯如不應急加附子氣血虛敗者宜用十全大補湯如不應急  
加附子亦有生者

賦制子亦在生昔

屎數咳不熟忘賦制子屎血氣如昔宜用十全大補湯咳不熟忘

熟當用四君子湯賦當溫性丸散蘇香則屎血氣如昔宜用十全大補湯

夫血虛多則火燥熱熱生風皆宜用人狂風賦陰蘇氏安咳不

小蘇命蘇氏中風淋脾昔又氣血和藥蘇香宜用之昔蘇氏

管于母則至出昔回舌其昔香取取于香蘇可衣衣

升可之可蘇制用人狂大補善惡臨蘇之昔香口與昔出出藥未

一賦蘇蘇蘇蘇其面赤舌青各也制可取取平胃蘇賦林蘇三

三刻太醫院補註婦人良方目錄

卷之首 凡例計九則

用藥宜禁 凡一十二則

卷之一

調經門 共計二十論

月經序論

精血篇

產寶方序論

王子亨方論

月水不調方論

月經不通方論

養生必用論病

室女月水不通

室女經閉成勞

血枯方論

月水不利方論

月水行止腹痛

月水不斷方論

殺血心痛方論

暴崩下血方論

帶下方論

崩中漏下生死脉

白濁白淫方論



天癸過期方論 血分水分腫滿方論

卷之二

衆疾門 計四論

產寶方論 博濟方論

寇宗奭論 通用方序論

卷之三 衆疾門計十五論

中風諸症方論 中風角弓反張 中風口禁方論

中風不語方論 風痺手足不隨 中風自汗方論

筋脈痠癢方論新附 虎風顫振方論新附 風寒臂痛方論

賊風偏枯方論 偏風口喎方論 血風心神驚悸

失血過多心神不安 風邪頭狂方論 飛尸血厥方論

卷之四 衆疾門計九論

血風肢體骨節疼痛 血風白虎歷節走疰 血風癩疥瘙痒

虎風頭目眩暈 血風頭痛方論 頸項強痛方論

腰痛方論 腰脚疼痛方論 風邪脚氣方論

卷之五 衆疾門計五論

勞瘵各症方論 二十四種蒸病新附 骨蒸勞方論

血風勞氣方論 冷勞方論

卷之六 衆疾門計十六論

熱勞方論 客熱方論 寒熱方論

寡婦寒熱如瘧 惡寒方論 血風煩悶方論

血風攻脾不食 夢與鬼交方論 傷寒傷風方論

熱入血室方論

咳嗽方論

咳嗽用溫藥

勞嗽方論

喘滿方論

風痰積飲咳嗽

心胸嘈雜方論

卷之七

衆疾門計十八論

嘔吐方論

霍亂方論

翻胃吐食方論

血膈方論

鼻血方論

吐血方論

疝瘕諸氣方論

疝瘕方論

八瘕方論

腹中瘀血方論

瘕瘕方論

食瘕方論

積年血瘕方論

血氣心痛方論

血氣心腹疼痛

血氣小腹疼痛

兩脇脹痛方論

心腹脹滿方論

卷之八

衆疾門計二十四論

小便淋瀝不通

脬轉小便不利

小便數方論

遺尿失禁方論

小便出血方論

大便不通方論

老弱風人便秘戒用利藥

泄瀉方論

泄瀉秘結方論

腸熱下利方論

滯下方論

痢後嘔噦方論

大便下血方論

痔瘻方論

脫肛方論

陰腫方論

陰痒方論

陰冷方論

陰挺下脫方論

陰中生瘡方論

交接傷丈夫頭痛方

交接輒痛出血方

交接他物所傷方

小戶嫁痛方

卷之九

衆疾門計十論

求嗣門計十論

陳無釋求子論

褚尚書求男論

婦人無子論

千金翼求子方論 交會禁忌 男子受胎時日法  
推支干旺相日法 推每月宿日法 求子服藥須知  
溫隱居求嗣保生篇

卷之十

胎教門 計八論

妊娠總論 受形論 受形篇 論胎教

孕元立本章 凝形殊稟章 氣質生成章 轉女為男法

卷之十一

候胎門 共計六論

脈例 診婦人有妬歌 驗胎法

胎殺避忌產前將護法 食忌論 孕婦藥忌歌

卷之十二

妊娠門 計十六論

隨月服藥將息法 惡阻方論 痰逆不食方論

胎動不安方論 胎漏下血方論 卒然下血方論

驚胎及僵仆方論 胎上逼方論 下如豆汁胎動腹痛方

誤服毒藥胎動方 心痛方論 心腹痛方論

中惡方論 腰腹背痛方論 小腹痛方論

心腹脹滿方論

卷之十三 妊娠門計十論

數墮胎方論 胎不長方論 胎不安方論

墮胎後血下方論 未足月欲產方論 斷產方論

咳嗽方論

吐血衄血方論

子煩方論

煩躁口乾方論

卷之十四

妊娠門計十一論

中風方論

風痙方論

痙瘓方論

附新

鬼胎方論

傷寒方論

時氣方論

熱病方論

傷寒熱病防損胎方論

熱病胎死腹中方論

瘧疾方論

霍亂方論

卷之十五

妊娠門計十三論

泄瀉方論

下痢黃水方論

大小便不通方論

小便不通方論

子淋方論

遺尿方論

尿血方論

胎水腫滿方論

腹內鍾鳴方

龔彥德孕癰方

不語論

傷食方論

臧燥悲傷方論

卷之十六

坐月門

計十論

產寶方周頰序

將護孕婦論

滑胎例

月室方位例

逐月安產藏衣忌向方位

推姪婦行年法

體玄子借地法

禁草法

禁水法

入月預備藥物

催生靈符

卷之十七

產難門

計七論

產難論

楊子建十產論

催生方論

交骨不開產門不開方論附新 郭稽中產難方論

產難子死腹中方論 產難生死訣

卷之十八

產後門計八論

產後將護法 調理法 通用方論

胞衣不出方論 血暈方論 顛狂方論

狂言謔語方論 不語方論

卷之十九產後門計十三論

乍見鬼神方論 心神驚悸方論 中風心驚方論

中風恍惚方論 虛極生風方論 虛汗不止方論

目悶汗出方論 汗多變瘕方論 口禁腰背反張方論

中風方論 四肢筋攣方論 瘕瘕方論附新

脚氣方論

卷之二十產後門計十四論

遍身疼痛方論 腰痛方論 惡露不絕方論

惡露不下方論 惡露上攻心痛 惡露腹痛方論

兒枕腹痛方論 小腹痛方論 寒疝腹痛方論

兩脇脹痛方論 積聚癥塊方論 血癥方論

餘血奔心煩悶方論 虛煩方論

卷之二十一產後門計十論

口乾痞悶方論 血渴方論 乍寒乍熱方論

瘧疾方論 羸勞方論 虛羸方論

風虛勞冷方論  
腹脹滿悶方論  
嘔逆不食方論

霍亂方論

卷之二十二 產後門計十二論

寒熱方論  
頭痛方論  
咳嗽方論

喘促方論  
口鼻黑鼻衄方論  
咳噫方論

血崩方論  
月水不調方論  
月水不通方論

四肢浮腫方論  
腹痛瀉利方論  
痢疾及虛羸氣痢方論

卷之二十三 產後門計十三論

痢疾作渴方論  
大便秘澀方論  
大小便不通方論

遺糞方論  
諸淋方論  
小便頻數方論

小便不禁方論  
小便出血方論  
陰脫玉門不閉方論

陰蝕疔方論  
乳少或無方論  
乳自出方論

妬乳方論

卷之二十四

瘡瘍門 新附計十四論

繭唇方論  
耳聆痛方論  
瘰癧方論

結核方論  
流注方論  
血風瘡方論

赤白遊風方  
橫痃方論  
鶴膝風方論

下注賺瘡方論  
足跟瘡方論  
肺癰方論

腸癰方論  
乳癰乳巖方論

目錄終

三刻太醫院補註婦人良方大全卷之一

一本作如左下做之

江右臨川陳自明良甫 編

太醫院使立齋薛己 校注

建邑書林泗泉余彰德 梓

臨川 良甫陳自明 編輯

古吳 立齋薛己 補註

書林 公仁余元長 重訂

調經門

凡醫婦人先須調經故以為首

○月經序論第一

岐伯曰女子七歲腎氣盛齒更髮長二七而天癸至任脉通太衝脉盛月事以時下天謂天真之氣癸謂壬癸之水故云天癸也然衝為血海任主胞胎二脉流通經血漸盈應時而下常以三旬一見以像月盈則虧也若遇經行最宜謹慎否則與產後症相類若被驚怒勞

傷  
役則血氣錯亂經脈不行多致勞瘵等疾若逆於頭面肢體之間則  
重痛不寧若怒氣傷肝則頭暈脇痛嘔血而瘰癧癰瘍若經血內滲則  
魚穴淋瀝無已凡此六淫外侵而變症百出犯時微若秋毫成患重  
如山岳可不畏哉

愚按血者水穀之精氣也和調五臟洒陳六腑在男子則化為精  
在婦人上為乳汁下為血海故雖心主血肝藏血亦皆統攝於脾  
補脾和胃血自生矣凡經行之際禁用苦寒辛散之藥飲食亦然  
詩云婦人和平則樂有子和則陰陽不乖平則氣血不爭故經云  
平和之氣三旬一見可不慎歟

○精血篇論第二 齊大夫緒  
澄遺書

飲食五味養骨髓肌肉毛髮男子為陽陽中必有陰陰中之數八故  
一八而陽精升二八而陽精溢女子為陰陰中必有陽陽中之數七  
故一七而陰血升二七而陰血溢皆飲食五味之實秀也方其升也  
皆慮開明齒牙更始髮黃者黑筋弱者強豎其溢也凡充身體手足  
耳目之餘雖針芥之塵無有不下凡子形肖父母者以其精血嘗於  
父母之身無所不歷也是以父一肢廢則子一肢不肖其父母一目  
虧則子一目不肖其母然雌鳥牝獸無天癸而成胎何也鳥獸精血  
往來尾闕也精未通而御女以通其精則五體有不滿之處異日有  
難狀之疾陰已痿而思色以降其精則精不出而內敗小便澀而為  
淋精已耗而復竭之則大小便牽痛愈痛則愈便愈痛則愈痛女人  
天癸既至踰十年無男子合則不調未踰十年思男子合亦不調不  
調則舊血不出新血誤行或漬而入骨或變而為腫後雖合而難子

鳥



合多則瀝枯虛人產衆則血枯殺人觀其精血思過半矣

愚按丹溪先生云人受天地之氣以生天之陽氣爲氣地之陰氣爲血故氣常有餘血常不足夫人之生也男子十六歲而精通女子十四歲而經行故古人必待三十二而後嫁娶可見陰氣之難成而養之必欲其固也經曰年至四十陰氣自半而起居衰矣夫陰氣之成止供給得三十年之運用况男子六十四歲而精絕女子四十九歲而經斷夫腎乃陰中之陰也主閉藏者肝乃陰中之陽也主疎泄者然而二臟皆有相火其系上屬于心心火一動則相火翕然而從之所以丹溪先生只是教人收心養性其旨深矣天地以五行更迭衰旺而成四時人之五臟六腑亦應之而衰旺如四月屬巳五月屬午爲火大旺火爲肺金之夫火旺則金衰

六月屬未爲土大旺土爲水之夫土旺則水衰况腎水嘗藉肺金爲母以補其不足古人於夏月必獨宿而淡味兢兢業業保養金水二臟正嫌火土之旺爾經又曰冬藏精者春不病温十月屬亥十一月屬子正火氣潛藏必養其本然之真陰以助來春生發之氣則春末夏初無頭痛脚軟食少體熱注夏之病矣竊謂人之少壯有老態不耐寒暑不勝勞役四時迭病皆因氣血方長而勞心虧損或精血未滿而早斲喪故見其症難以名狀若左尺脉虛弱或細數是左腎之真陰不足也用六味丸右尺脉遲軟或沉細而數欲絕是命門之相火不足也用八味丸至於兩尺微弱是陰陽俱虛用十補丸此皆滋其化源也不可輕用黃柏知母之類設或淫外侵而見諸症亦因其氣內虛而外邪湊襲尤宜用前藥

附治驗

男子陰痿精耗治驗見內科摘要

一婦人年三十有七早孀居兩腿骨作痛哺熱體倦月經不調或發寒熱數年矣一日頸項兩側結核兩脇脹痛此係肝經鬱火而成也先用小柴胡湯合四物數劑肝症頓愈又用加味逍遙散加澤蘭乳香沒藥三十劑血症漸痊再用加味歸脾等藥年餘而安

一孀婦兩腿作痛或用除濕化痰等藥通身作痛而無定處余曰此血症也不信乃服流氣飲之類而歿

一放出官人年四十餘臀腿內股作痛哺熱口乾月經不調此係肝經血少不能養經絡而然也宜用加味逍遙散加澤蘭葉五十餘劑諸症稍緩又以歸脾湯兼服二百餘劑而痊

一放出官人臀腿腫痛內熱哺熱惡寒體倦咳嗽胸痞月經過期而少彼以為氣毒流注服清熱理氣之劑益甚余曰此乃肝經瘀血停留所致蓋肝經上貫兩布脇肋循喉嚨下循膈內膝繞陰器抵少腹王治之法但當補其所不勝而制其所勝補者脾也制者肝也經曰虛則補之實則瀉之此定法也彼不信仍服前藥遂致不起

附方

○六味丸

○八味丸

○十補丸

三方見二十四卷第十一論

○小柴胡湯

方見二十四卷第二論

○四物湯

方見二十四卷第六論

○加味逍遙散

○加味歸脾湯

二方見二十四卷第四論

○產寶方序論第三

大率治病先論其所主男子調其氣女子調其血氣血者人之神也然婦人以血爲基本苟能謹於調護則血氣宣行其神自清月水如期血凝成孕若脾胃虛弱不能飲食榮衛不足月經不行肌膚黃燥面無光澤寒熱腹痛難於子息或帶下崩漏血不流行則成瘕症愚按前症若婦人脾胃從虛以致氣血俱衰遂而月經不行宜補其胃氣滋其化源或患中消胃熱津液不生而致血海乾涸宜清胃補脾其經自行矣經曰胃者衛之源脾者榮之本鍼經曰榮出中焦衛出上焦衛不足益之必以辛榮不足補之必以甘甘辛相合脾胃健而榮衛生是以氣血俱旺也或因勞心虛火妄動月經錯行宜安心補血瀉火此東垣先生治法也

○王子亨方論第四

論曰經者常候也謂候其一身之陰陽愆伏知其安危故每月一至太過不及皆爲不調陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致

愚按經云脾統血肝藏血此症多因志怒傷肝鬱結傷脾所致當從二經爲主而參以前論治之

○月水不調方論第五

婦人月水不調由風邪乘虛客於胞中而傷衝任之脈損手太陽少陰之經蓋衝任之脈皆起於胞中爲經絡之海與手太陽小腸手少陰心經爲表裏上爲乳汁下爲月水然月水乃經絡之餘苟能調攝得宜則經應以時矣

愚按經曰飲食入胃遊溢精氣上輸於脾脾氣散精上歸於肺通

言不效人月方  
一  
調水道下輸膀胱水精四布五經並行東垣先生所謂脾爲生化之源心統諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣又丹溪先生云先期而至者血熱也後期而至者血虛也愚所謂先期而至者有因脾經血燥有因脾經鬱火有因肝經怒火有因血分有熱有因勞役火動過期而至者有因脾經血虛有因肝經血少有因氣虛血弱主治之法脾經血燥者加味逍遙散脾經鬱火者歸脾湯肝經怒火者加味小柴胡湯血分有熱者加味四物湯勞役火動者補中益氣湯脾經血虛者人參養榮湯肝經血少者六味地黄丸氣虛血弱者八珍湯益血生於脾上故云脾統血凡血病當用苦甘之劑以助陽氣而生陰血也

### 附治驗

一婦人發熱口乾月經不調兩腿無力或用祛風滲濕之劑腿痛體倦二膝浮腫經事不通余作足三陰經血虛火燥名鶴膝風用六味八味二丸兼服兩月形體漸健飲食漸進膝腫漸消半載而痊一婦人月事未期而至發熱自汗或用清熱止汗之劑作渴頭眩手掉身麻余曰此肝經血虛火動火爲陽陽盛則生風用柴胡炒芩連山梔歸芍生地丹皮各一錢參芪苓朮各一錢五分川芎七分甘草五分二劑汗止更用補中益氣而愈

一婦人經行勞役忽然昏憤面赤吐痰余曰此乃去血過多陽無所附故耳急飲童便碗許神思漸爽更用參芪各五錢芎歸各三錢玄參柴胡山梔炙草各一錢一劑又用逍遙散加五味麥門二劑

如此月餘漸愈但體倦面黃又以十全大補加五味麥門治之而愈  
 一婦人性善怒產後唇腫內熱或用清熱敗毒散唇口腫脹日晡熱  
 甚月水不調再用降火化痰遂令食少作嘔大便不實唇出血水  
 又用理氣消導胸膈痞滿頭目不清唇腫經閉又用清胃行血肢  
 體倦怠發熱煩躁涎水湧出又欲用通經之劑余曰病本七情肝  
 脾虧損又數行攻伐故元氣之益虛耳法當補陰益陽遂以濟生  
 歸脾湯加味道遙散補中益氣湯調治元氣漸復諸症悉愈

○薑黃散 治瘀血凝滯肚腹刺痛或腹脹發熱口乾等症  
 薑黃 當歸酒拌各二錢 蓬朮醋炒 紅花 桂心  
 川芎 玄胡索炒 牡丹皮各五分  
 右水酒各一半煎服

○醋附丸 治元臟虛冷月候不調頭眩少食渾身寒熱腹中急痛  
 赤白帶下心忡氣悶血中虛寒胎氣不固用醋煮香附半斤焙為  
 末醋糊丸桐子大每服三四十九米飲下  
 愚按前症若元臟虛寒手足逆冷用八味丸手足發熱用六味丸  
 氣血不足用八珍湯中氣不足用補中益氣湯脾氣不足用六君  
 子湯脾氣鬱結用歸脾湯若例用香散之劑恐陽氣燥而陰血漸衰也

附方

- 加味道遙散
- 八珍湯
- 歸脾湯三方見二十四卷第四論
- 加味小柴胡湯方見二十四卷第四論
- 六君子湯
- 補中益氣湯三方見二十四卷第六論
- 加味四物湯
- 人參養榮湯方見二十四卷第三論

言不效人良方 卷一 七  
○八味丸 ○六味丸 二方見二十四卷第十一論

○月經不通方論第六

婦人月水不通或因醉飽入房或因勞役過度或因吐血失血傷損肝脾但滋其化源其經自通若小便不利苦頭眩痛腰背作痛足寒時痛久而血結於內變爲癥瘕若血水相併脾胃虛弱壅滯不通變爲水腫若脾氣衰弱不能制水水漬肌肉變爲腫滿當益其津液大補脾胃方可保生

愚按經水陰血也屬衝任二脉上爲乳汁下爲月水其爲患有因脾虛而不能生血者有因脾鬱而血不行者有因胃火而血消燦者有因脾胃損而血少者有因勞傷心而血少者有因怒傷肝而血少者有因腎水不能生肝而血少者有因肺氣虛不能行血者治療之法若脾虛而不行者調而補之脾鬱而不行者解而補之胃火而不行者清而補之脾胃損而不行者溫而補之勞傷心血而不行者逸而補之怒傷肝而不行者和而補之肺氣虛而不行者補脾胃腎虛而不行者補脾肺經云損其肺者益其氣損其心者調其榮衛損其脾者調其飲食適其寒溫損其肝者緩其中損其腎者益其精皆當審而治之

附治驗

一婦人停食飽悶發熱或用人參養胃湯益甚再用木香檳榔丸泄瀉吐痰腹中成塊飲食少思又用二陳黃連厚朴之類前症益甚腹脹不食月經不至余以爲胃氣虧損用補中益氣加茯苓半夏三十餘劑脾胃健而諸症愈又二十餘劑而經自行

一婦人飲食後或腹脹或吞酸彼服枳朮丸吞酸益甚飲食日少胸膈痞滿腿內酸痛畏見風寒又服養胃湯一劑腿內作痛又二劑腿膝浮腫月經不行余謂鬱結所傷脾虛濕熱下注侵晨用四君二陳芎歸午後以前湯送越鞠丸飲食漸進諸症漸愈又用歸脾八珍二湯兼服兩月餘而經行

一婦人性沉多慮月經不行胸滿少食或作脹或吞酸余以為中氣虛寒用補中益氣加砂仁香附煨薑二劑胸膈和而飲食進更以六君加芎歸貝母桔梗生薑大棗數劑脾胃健而經自調矣

一婦人素有胃火或用清胃散而安後因勞役躁渴內熱肌肉消瘦月經不行余謂此胃火消燥陰血用逍遙散加丹皮炒梔以清胃熱用八珍湯加茯苓遠志以養脾血而經自行矣

一婦人久患瘧形體怯弱內熱晡熱自汗盜汗飲食少思月事不行或用通經丸虛症悉具余曰此因虛而致瘧因瘧以閉經也用補中益氣及六味地黃丸各百餘劑瘧愈而經自行

一婦人久患瘧七作則經不行形虛脉大頭痛懶食大便泄瀉小便淋瀝口乾唇裂內熱腹膨蓋由久瘧正氣已虛陰火獨旺用補中益氣湯治之尋愈惟不時頭痛乃加蔓荊子而痛止又兼用六味地黃丸而經行

一婦人因勞耳鳴頭痛體倦此元氣不足用補中益氣加麥門五味而瘥三年後得子因飲食勞倦前症益甚月經不行晡熱內熱自汗盜汗用六味地黃丸補中益氣湯頓愈

一婦人胃氣素弱為哭母吐血咳嗽發熱盜汗經水三月不行余以

為悲則傷肺思則傷脾遂朝服補中益氣加桔梗貝母知母夕用歸脾湯送地黃丸而愈

一癩婦少寐經水兩月餘一至誤服通經丸展轉無寐午前惡寒午後發熱余以為思慮虧損脾血用歸脾湯作丸午前以六君送下午後以逍遙散送下兩月餘得寐半載經行如期年餘而瘡愈餘詳見各門

附方

○補中益氣湯 ○四君子湯 ○六君子湯 三方見二十四卷第六論

○二陳湯 方見二十四卷第五論

○越鞠丸 方見六卷第七論

○歸脾湯 ○逍遙散 ○八珍湯 三方見二十四卷第四論

○清胃散 方見二十四卷首論

○六味丸 方見二十四卷第十一論

○養生必用論第七

初虞世云女子十四天癸至任脈通月事以時于是有子天癸者物之自然月者以月至經者有常也其來過與不及皆謂之病若榮血虧損不能滋養百骸則髮落面黃羸瘦燥熱燥氣盛則金受邪金受邪則為咳為嗽為肺癰為肺痿必矣但助胃壯氣則榮血生而經自行須慎飲食調七情保神氣庶可得生若暴怒氣逆經閉不行當用行氣破血之劑

愚按劉宗厚先生云榮者水穀之精和調於五臟灑陳於六腑乃能入於脈也源源而來化生於脾總統於心藏受於肝宣布於肺



施泄於腎灌溉一身目得之而能視耳得之而能聽手得之而能握足得之而能步臟得之而能液腑得之而能氣注之於脉少則濡充則實常以飲食滋養則陽生陰長變化而為血諸經恃此則百脉長養耗竭則百脉空虛可不慎哉若陰氣一傷變症百出妄行於上則吐衄衰涸於下則癰閉血滲腸間則為腸風陰虛陽搏則為崩中濕蒸熱瘀則為滯下熱極腐化則為膿血火極似水則血紫黑熱勝於陰發為瘡瘍濕滯於血則為痛痒癩疹蓄之在上則善忘蓄之在下則善狂

○琥珀散

治心膈迷悶肚腹撮痛月信不通等疾

烏藥二兩

當歸酒製一兩

蓬朮醃製一兩

右為末每服二錢溫酒調

○前清丸

治月經瘀閉臍腹作痛及產後癥瘕等病

乾漆炒烟出青白為度

牛膝酒浸焙各一兩

右為末生地黄汁一升砂器慢火熬膏丸桐子大每服二十九空心米飲下仍參前論主之

○紅花當歸散 治經候不行腰膝重痛小腹堅硬

紅花

當歸尾酒拌

紫葳

牛膝酒製

甘草炙

蘇木各二錢

白芷

桂心各一錢半

赤芍藥炒一兩

劉寄奴去根五錢

右為末每服三錢溫酒調

○室女月水不通方論第八

論曰夫衝任之脉起於胞內為經脉之海手太陽小腸手少陰心二經為表裏女子二七而天癸至腎氣全盛衝任流通經血既盈應時

而下否則不通也

愚按前症若稟陰血不足用四物參苓怒傷肝血用加味逍遙散鬱結傷脾用加味歸脾湯肝火拂鬱用加味小柴胡湯胃經積熱用加味清胃散餘當參考前論

附方

○四物湯 方見二十四卷第六論

○加味逍遙散 ○加味歸脾湯 二方見二十四卷第四論

○加味小柴胡湯 方見二十四卷第二論

○加味清胃散 方見二十四卷首論

○室女經閉成勞方論第九

寇宗奭曰夫人之生以氣血為本人之病未有不先傷其氣血者

室女童男積想在心思慮過度多致勞損男子則神色消散女子則月水先閉蓋憂愁思慮則傷心而血逆竭神色先散月水先閉且心病則不能養脾故不嗜食脾虛則金虧故發嗽腎水絕則木氣不榮而四肢乾痿故多怒鬚髮焦筋骨痠若五臟傷<sub>一作傷</sub>遍則死自能改易心志用藥扶持庶可保生切不可用青蒿蟲<sub>一作傳</sub>等涼血行血宜用栝子仁九澤蘭湯益陰血制虛火

愚按經云五穀入於胃其精粕津液宗氣分為三隧故宗氣積於胸中出於喉嚨以貫心肺而行呼吸榮氣者秘其津液注之於脉化以為血以榮四末內養五臟六腑若服苦寒之劑復傷胃氣必致不起

附治驗

一室女年十七癰久不愈天癸未通發熱咳嗽飲食少思欲用通經丸余曰此蓋因稟氣不足陰血未充故耳但養氣血益津液其經自行彼惑於速効仍用之余曰非其治也此乃慄悍之劑大助陽火陰血得之則妄行脾胃得之則愈虛後果經血妄行飲食愈少遂致不救

○栢子仁丸

栢子仁炒別研 牛膝酒製 卷栢各半兩 澤蘭葉一兩  
右為末蜜丸栢子大每服三十九空心米飲下

○澤蘭湯

澤蘭葉二錢 當歸 芍藥炒各錢 甘草炙五分 用水煎服

○劫勞散 治勞嗽發熱盜汗體瘦唾中有紅或成肺痿

白芍藥炒 黃芪炒 甘草炒 人參 五味子炒

當歸 半夏薑製 白茯苓 熟地黃自製 阿膠炒各五分

右薑棗水煎日三服鄉人楊元鼎女及笄病此甚危百藥無効偶遇名醫得此方服三十餘劑遂愈不發

○血枯方論第十出醫龍吉方

腹中論曰有病胸脇滿妨於食病至則先發汗其出清液四肢痛目眩時時前後血病各曰血枯此年少時因大脫血或醉而入房虧損腎肝蓋肝藏血受天一之氣以為滋榮其經上貫膈布脇肋若脫血失精肝氣已傷肝血枯澀不榮而胸脇滿妨於食則肝病傳脾而脾虛藤臭出清液若以肝病而肺乘之則脫血四肢痛目眩時時前後血出皆肝病血傷之症也

一作清

愚按前症若飲食起居失宜而脾胃虛損當滋化源而佐以烏賊丸等藥若因脾土虛寒而不能生血宜補命門火若服燥藥鬱火內作而津液消燥宜清熱養血若脾胃虧損而氣血虛宜補中益氣若胃熱消中而血液耗損宜清脾胃之火若大便秘澀小便清利而經不行宜清胞絡之火若勞傷心火血涸而經不行宜補心養血仍參看前第三論主治

附治驗

一婦人久患血崩肢體消瘦飲食到口則聞腥臊口出清液每食少許腹中作脹此血枯之症肺肝脾胃虧損之患用八珍湯烏賊骨丸兼服兩月而經行百餘劑而安

○烏賊魚骨丸

烏賊魚骨 去甲 四兩

茜茹 一兩

右為末以雀卵丸小豈大每服五丸加至十丸鮑魚煎湯下以飯壓之

○熟地黃湯 治大脫血或醉入房月事不行以致前症

熟地黃 製白 澤蘭葉 白茯苓 人參 五味子 炒

附子 炮 禹餘糧 製 當歸 酒製各五分

附方

○八珍湯 方見二十四卷第四論

○茯苓補心湯 治婦人心氣虛耗不能主血又不能制乎肺金氣得以乘乎肝木肝既虧損則血不能藏漸致精血枯涸月事不調

諸補效方良方

此方專補心元之虛抑其肺氣調和榮衛滋養血脈

前方參蘇飲內除木香與四物湯對勻和每服四錢以薑棗煎溫

服此方常進用以治宮娥多効

○月水不利方論第十一

婦人月水不利者由勞傷氣血體虛而風冷客於胞內傷於衝任之脈故也若寸脈弦關脈沉是肝病也兼主腹痛孔竅生瘡尺脈滑血氣實經絡不利或尺脈絕不至兼主小腹引腰痛氣攻胸膈也

愚按前症屬肝膽二經蓋肝膽相為表裏多因恚怒所傷若本經風熱用補肝散血虛用四物加酸棗仁若腎水不足用六味丸若患諸瘡瘍治見第八卷二十四卷

○牛膝散 治月水不利臍腹作痛或小腹引腰氣攻胸膈

牛膝酒製 桂心 赤芍藥炒 桃仁去皮

玄胡索炒 當歸酒浸 牡丹皮各一兩 木香三錢

右為末每服一錢溫酒調下或每服三五錢水煎

附方

○補肝散 方見七卷第十七論

○四物湯 方見二十四卷第六論

○六味丸 方見二十四卷第十一論

○月水行止腹痛方論第十二

婦人經來腹痛繇風冷客於胞絡衝任或傷手太陽少陰經用溫經湯桂枝桃仁湯若憂思氣鬱而血滯用桂枝桃仁湯地黃通經丸若血結而成塊用萬病丸

婦人經來腹痛方論第十二

愚按前症若風寒傷脾者六君加炮薑思慮傷血者四物加參朮  
思慮傷氣者歸脾加柴施鬱怒傷血者歸脾逍遙兼服餘參前後  
論治之

附治驗

一婦人經行腹痛食則嘔吐肢體倦怠發熱作渴此乃素稟氣血不  
足用八珍湯二十餘劑而愈後生子二年而經不行前症仍作服  
八珍湯逍遙散百餘劑方愈

○地黄通經丸 治月經不行或產後惡露臍腹作痛

熟地黄自製四兩 蜚蠊去頭翅炒 水蛭糯米同炒 桃仁去皮尖各五十枚

右為末蜜丸桐子大每服五七丸空心溫酒下

○萬病丸 方見前

○溫經湯 治寒氣客於血室以致血氣凝滯臍腹作痛其脈沉緊

當歸 川芎 芍藥 桂心 蓬朮醋炒

牡丹皮各五分 人參 牛膝酒炒 甘草各一作錢七分 石水煎服

○桂枝桃仁湯 治經脈頓然不行腹中作痛或上攻心脇欲死或

因經脈不行漸成積塊臍下如覆杯

桂枝 芍藥 生地黄各二錢 桃仁七枚去尖 甘草四卷藥四

右薑水煎

若因七情鬱結血隨氣滯者宜服此湯如不

成血塊者用萬病丸 方見前

愚按前症若肝經怒氣用加味逍遙散若血用六君子呷川芎當  
柴胡牡丹皮若肝經血熱用四物牡丹皮若鬱怒里呷柴胡龍眼

黃丸若肝脾血虛用八珍加牡丹皮若肝脾鬱怒用加味歸脾湯  
若氣虛血弱用補中益氣湯若脾不能攝血用六君子加川芎當  
歸若肝虛不能藏血用補肝散

附方

○六君子湯

○四物湯

二方見二十四卷第六論

○歸脾湯

○逍遙散

○八珍湯

三方見二十四卷第四論

○月水不斷方論第十三

婦人月水不斷淋瀝腹痛或因勞損氣血而傷衝任或因經行而合  
陰陽以致外邪客於胞內滯於血海故也但調養元氣而病邪身亦  
若攻其邪則元氣反傷矣

愚按前症若鬱結傷脾用歸脾湯患怒傷肝逍遙散肝火妄動加

味四物湯脾氣虛弱六君子湯元氣下陷補中益氣湯熱傷元氣  
前湯加五味麥門炒黑黃柏

附治驗

儒者錢思習子室年三十餘無嗣月經淋瀝無期夫婦異處幾年  
矣思習欲爲娶妾以謀諸余余意之鬱怒傷肝肝火動而血不  
歸經乃肝不能藏脾不能攝也當清肝火補脾氣遂與加味歸脾  
逍遙二藥四劑送至其家仍告其婦曰服此病自愈而當受胎妾  
可無娶也果病愈次年生子

一婦人性急每怒則太陽耳項喉齒胸乳作痛則胸滿吞酸吐瀉少  
食經行不止此皆肝火之症肝自病則外症見土受尅則內症作  
余先以四物加白朮茯苓柴胡炒梔炒龍膽清肺養血次用四君

加柴胡芍藥神麴吳茱萸炒黃連以培土制肺漸愈惟月經不止是血分有熱脾氣尚虛以逍遙散信用白朮茯苓陳皮又以補中益氣加酒炒芍藥兼服而安

一婦人多怒經行旬餘方止後淋瀝無期肌體倦瘦口乾內熱盜汗如洗日晡熱甚皆緣肝脾虧損無以生發元氣用參芪歸朮茯神遠志棗仁麥門五味丹皮龍眼肉炙草柴胡升麻治之獲痊  
一婦人懷抱不舒腹脹少寐飲食素少痰涎上湧月經頻數余曰脾統血而主涎此鬱悶傷脾不能攝血歸源耳用補中益氣濟生歸脾而愈

附方

○歸脾湯 ○逍遙散 二方見二十四卷第四論

○四君子湯 ○六君子湯

○補中益氣湯 四方見二十四卷第六論

婦人殺血心痛方論第十四

婦人血崩而心痛甚各曰殺血心痛緣心脾血虛也若小產去血過多而心痛甚者亦然用烏賊魚骨炒為末醋湯調下失笑散亦効  
愚按前症若陰血耗散用烏賊丸收斂之若瘀血不散用失笑散行散之若心血虛弱用芎歸湯補養之若鬱結傷血用歸脾湯調之

附治驗

一婦人血崩兼心痛三年矣諸藥不應每痛甚虛症悉具面色痿黃余曰心主血蓋緣去血過多心無所養以致作痛宜用十全大補湯參朮倍之三十餘劑稍愈百餘劑全愈



附方

○失笑散

方見二十卷第五論

○芩歸湯

方見十七卷第四論

○歸脾湯

○十全大補湯

方見二十四卷第四論

○暴崩下血不止方論第十五

婦人衝任二脈為經脈之海外循經絡內榮臟腑若陰陽和平經下  
依時若勞傷不能約制則忽然暴下甚則昏悶若寸脈微遲為寒在  
上焦則吐血衄血尺脈微遲為寒在下焦則崩血便血大抵數小為  
順洪大為逆大法當調補脾胃為王

愚按經云陰虛陽搏謂之崩又云陽絡傷則血外溢陰絡傷則血內  
溢又云脾統血肝藏血治法前症因脾胃虧損不能攝血歸源用  
六君加芩歸柴胡若肝經之火而血下行用奇効四物湯或四物  
加柴梔苓朮若肝經風熱而血妄行用加味逍遙散或小柴胡湯  
芍丹皮若怒動肝火而血沸騰亦用前藥若脾經鬱結而血不歸  
經用歸脾加柴梔丹皮若悲傷胞絡而血下崩用四君加柴梔升  
麻故東垣先生云凡下血症須用四君子以收功厥有旨哉若大  
吐血母以脈論當急用獨參湯救之若熱咳脈數乃元氣虛  
弱假熱之脈尤當用人參溫補此等症候無不靈脾胃先損故脈  
洪大察其有胃氣能受補則可救苟胃寒涼止血之藥復傷脾胃  
反不能攝血歸源是速其危也

附治驗

大尹王大成之內久患崩自服四物止血之劑或作或徹因怒發  
熱其血不止服前藥不應乃王降火更加脇腹大痛手足俱冷余

曰此脾胃虛寒所致先用附子理中湯體熱痛止又用濟生歸脾補中益氣二湯崩血頓愈若泥痛無補法則誤矣

錦衣楊永興之內患前症過服寒涼之劑其症益甚更加肚腹痞悶飲食不入發熱煩躁脉洪大而虛余曰此脾經氣血虛而發躁也當急用八珍湯加炮薑以溫補之緩則不救不信乃服止血降火之劑虛症蜂起始信余言緩不及治矣

一婦人面黃或赤覺腰間或臍下作痛四肢困倦煩熱不安經行先發寒熱兩肋如束血湧如崩此脾胃虧損元氣下陷與相火濕熱所致用補中益氣加防風芍藥炒黑黃柏間以歸脾湯調補而血始歸經

一婦人因怒崩血久不已面青黃而或赤此肝木制脾土而血虛

小柴胡合四物清肝火生肝血又用歸脾補中二湯益脾氣生肝血而瘥此症若因肝經風熱而血不寧者防風爲丸以兼症之藥煎送或肝經火動而血不寧者炒條芩爲丸以兼症之藥煎送若瘀血爲患用五靈脂爲末燒鐵器焙酒護服無不效者

○奇效四物湯 治肝經虛熱血沸騰而崩久不止

當歸

熟地黄

白芍藥

川芎

阿膠

艾葉

黃芩

右每服四錢水煎

治血崩血瘕或經行產後心腹脇痛五靈脂炒烟盡爲末每服一錢溫酒調或用三錢水酒童便煎服

治風熱血崩荆芥穗燈火燒焦爲末每服三錢童便調

○獨聖散 治肝經有風血崩用防風去叉蘆爲末每服二錢空心

食前酒煮白麵清飲調下極驗

○神應散 治血虛內熱血不歸源而崩用桂心燒存性為末每服

一二錢米飲調下

又方陳槐花一兩百草霜半兩為末每服一二錢燒紅秤錘碎酒下

附方

○四君子湯

○六君子湯

○補中益氣湯

○四物湯

四方見二十四卷第六論

○歸脾湯

○加味逍遙散

○八珍湯

三方見二十四卷第四論

○小柴胡湯

方見二十四卷第二論

○獨參湯

方見三卷第十三論

○附子理中湯

方見二十卷第八論

○帶下方論第十六

婦人帶下其名有五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如白涕傷足太陰脾經黃如爛瓜傷足少陰腎經黑如衄血人有帶脉橫於腰間如束帶之狀病生於此故名為帶

愚按徐用誠先生云前症白屬氣而赤屬血東垣先生云血崩久則亡陽故白滑之物下流未必全拘於帶脉亦有濕痰流注下焦或腎肝陰淫之濕勝或因驚恐而木乘土位濁液下流或思慕為筋痿戴人以六脉滑大有力用宣導之法此瀉其實也東垣以脉微細沉緊或洪大而虛用補陽調經乃兼責其虛也丹溪用海石南星椿根皮之類乃治其濕痰也竊謂前症皆當壯脾胃升陽氣為王佐以各經見症之藥色青者屬肝用小柴胡加山梔防風濕

滑

熱壅滯小便赤澀用龍膽瀉肝湯肝血不足或燥熱風熱用六味丸色赤者屬心用小柴胡加黃連山梔當歸思慮過傷用妙香散等藥色白者屬肺用補中益氣加山梔色黃者屬脾用六君子加山梔柴胡不應用歸脾湯色黑者屬腎用六味丸氣血俱虛八珍湯陽氣下陷補中益氣湯濕痰下注前湯加茯苓半夏蒼朮黃柏氣虛痰飲下注四七湯送六味丸不可拘肥人多痰瘦人多火而以燥濕瀉火之藥輕治之也

附治驗

一婦婦腹脹脇痛內熱暗熱月經不調肢體痠麻不時吐痰或用清氣化痰吸聞不利帶下青黃腹脇膨脹又用行氣之劑胸膈不利肢體如麻此乃鬱怒傷損肝脾朝用歸脾湯以解脾鬱生脾氣夕用加味道遙散以生肝血清肝火百餘劑而愈

一婦人久瘡兼帶發熱口乾體倦用七味白朮散加麥門五味大劑煎與恣飲再發稍可乃用補中益氣加茯苓半夏十餘劑而愈  
一婦人頭暈吐痰胸滿氣喘得食稍緩苦於白帶二十餘年矣諸藥不應此氣虛而痰飲也痰飲愈而帶自愈遂朝用六君子湯夕用六味地黃丸不月而驗

一婦人耳鳴胸痞內熱口乾喉中若有一核吞吐不利月經不調兼之帶下余以爲肝脾鬱結用歸脾湯加半夏山梔升麻柴胡間以四七湯下白丸子而愈

一婦人吞酸飽滿食少便泄月經不調服清氣化痰丸兩膝漸腫寒熱往來帶下黃白面瘦體倦此脾胃俱虛濕痰下注用補中益氣

倍用參朮加茯苓半夏炮薑而愈

一婦人帶下四肢無力余曰四肢者土也此脾胃虛弱濕痰下注以補中益氣濟生歸脾二藥治之而愈

一婦人帶下黃白怒則胸膈不利飲食少思或用消導利氣之藥痰喘胸滿大便下血余曰此因脾氣虧損不能攝血歸源用補中益氣加茯苓半夏炮薑四劑諸症頓減又用八珍加柴胡山梔而痊

附方

○小柴胡湯 方見二十四卷第二論

○龍膽瀉肝湯 方見二十四卷第八論

○六味丸 方見二十四卷第十一論

○妙香散 方見三卷第十三論

○補中益氣湯

○六君子湯 二方見二十四卷第六論

○歸脾湯

○八珍湯

○加味逍遙散

二十四卷第

○七味白朮散 方見二十一卷第二論

○四七湯 方見十二卷第七論

○白丸子 方見三卷第四論

○崩中漏血生死脉方論第十七

婦人崩中漏下之症已見前論按其寸口脉弦而大弦則為緊大則為菴緊則為寒菴則為虛虛寒相搏其脉為牢婦人半產漏下赤白不止脉小虛滑者生脉大緊實數者死又脉急疾者死遲者生又云尺寸脉虛者漏血脉浮者俱不治

愚按前症關內經微旨濟無窮天札須固胃為善蓋胃為五臟之本源人身之根蒂所用治法當參前後論

附治驗

一婦人年將七十素。有肝脾之症。每作則飲食不進。或胸膈不利。或中脘作痛。或大便作瀉。或小便不利。余用逍遙散。加山梔。茯神。遠志。木香。而愈。後憂女孀。居不時吐紫血。其病每作。先倦怠。而後發熱。經曰。積憂傷肺。積思傷脾。肺脾受傷。血歸經。而致前症。遂以前藥。加炒黑黃連三分。吳茱萸二分。頓愈。復因怒吐赤血。甚多。躁渴垂死。此血脫也。法當補氣。乃用人參。一兩。苓朮。當歸。各三錢。陳皮。炮黑。乾薑。各二錢。炙甘草。木香。各一錢。一婦人年六十。有四久鬱。怒頭痛。寒熱。春間乳內時痛。服流氣飲之。類益甚。不時有血。如經行。又因大驚。恐飲食不進。夜寐不寧。此因高年去血過多。至春無以生發。肝木血虛。火燥。所以至晚陰旺。則

赤經云。肝藏魂。魂無所附。故不能寐。先以逍遙散。加酒炒黑龍

膽草一錢。山梔一錢。五分。二劑。腫痛頓退。又二劑。而全消。再用歸

脾湯。加炒梔。貝母。諸症悉愈。

表弟方健甫。內五十歲。辛丑患血崩。諸藥皆效。壬寅八月。身熱體痛。頭暈。涕出。吐痰。少食。衆作火治。展轉發熱。延數日。余診之。曰。脾胃久虛。過服寒藥。中病未已。寒病復起。遂用八味丸。料一服。真早。遂索粥。數匙。再服。食倍。熱減。痛止。乃服八味丸。而愈。癸卯。秋因勞役。憂怒。甲辰。夏病。復作。胸飽。發熱。脊痛。腰疼。神氣沸鬱。或作內傷。或作中暑。崩血。便血。煩渴。引飲。粒米不進。昏憤。時作脈洪。大按之。微弱。此無根之火。內虛寒。而外假熱也。以十全大補。加附子。一劑。遂食。粥三四匙。崩血漸減。日服八味丸。始得全愈。備見女科撮要

○栢葉散 治元氣虛弱崩中漏血年久不愈亦治白帶

栢葉炒

續斷炒

川芎

當歸

生地黄

鱉甲炙

龜甲炙

禹餘糧各一兩

阿膠炙

赤石脂煨

艾葉炒

牡蠣煨

地榆

鹿茸炙各五錢

右爲末每服二錢粥飲調下

○地黄丸 治足三陰虧損經行數日不止或兼帶下無子

熟地黄製白

山茱萸肉

蕪黃仁各一兩

乾薑三錢

白芍藥微炒

代赭石各一兩

白僵蚕炒

厚朴薑製各三錢

右爲末蜜丸桐子大每服五十九丸空心溫酒日三服許學士云凡

婦人有白帶多致不產育宜速治之故扁鵲過邯鄲聞婦人有此病遂自鳴帶下醫以就治之

○白芷散 治下元虛弱赤白帶下或經行不止等症

白芷兩

海螵蛸二枚

哈髮一團

右爲末每服二錢溫酒調下

附方

東垣益胃升陽湯 治血脫當益其氣蓋先補胃氣以助生發之氣

故曰陽生陰長諸甘藥爲之先務奉世皆以爲補氣殊不知甘能

生血此陽生陰長之理故生理胃氣則血歸於脾矣故曰脾統血

東垣升麻除濕湯 二方見二十卷第九論

東垣升陽益胃湯 治肺脾胃虛怠惰嗜臥四肢不收身體沉重口

乾食無味大便不調小便頻數食少食不消酒浙惡寒而或微熱

崩帶不止 方見三卷第十三論

○十全大補湯

○逍遙散

○歸脾湯三方見二十四卷第四論

○八味丸方見二十四卷第十一論

○婦人白濁白淫方論第十八

婦人小便白濁白淫繇心腎不交水火不濟用金鎖正元丹若心虛而致用李補正心丹降心丹威喜丸若思慮傷脾用四七湯吞白丸子更以烏沉湯加茯苓益智

愚按前症若元氣下陷用補中益氣湯脾胃虧損六君加升麻柴胡脾經鬱結歸脾加黃柏山梔肝經怒火龍膽瀉肝湯虛則用加味逍遙散宜與帶下參看主治

附治驗

一婦人善怒或小腹痞悶或寒熱往來或小便頻數時下白淫藥久

不愈面青口苦余以為積憤而不能發熱所致用龍膽瀉肝湯而愈用加味逍遙散入瓊湯而安

○鎖精丸 治下元虛弱小便白濁或白帶淋漓小便頻數

破故紙炒 青鹽 白茯苓去皮 五味子炒等分

右為末酒糊丸桐子大每服三十九粒湯或酒下

○固精丸 治胞氣虛寒小便白濁或小便無度等症

牡蠣煨 兔絲子酒浸蒸炒 韭子炒 龍骨煨

五味子炒 白茯苓去皮 桑螵蛸酒炙 白石脂煨各等分

右為末酒糊丸桐子大每服七十九空心鹽湯下

附方

○補中益氣湯 ○六君子湯二方見二十四卷第六論



言補效人比方

龍膽瀉肝湯 方見二十四卷第八論

○歸脾湯 方見二十四卷第四論

○婦人天癸過期方論第十九

許學士云婦人經脉過期不及腰腹疼痛或七七數盡而月經下者宜用當歸散治之

愚按前症若肝腎虛熱用當歸散肝血虛熱四物加柴梔丹皮肝火內動小柴胡加山梔丹皮肝火血燥加味道遙散脾經鬱火加味歸脾湯肝脾鬱火歸脾味道遙兼服肝腎虧損歸脾六味兼服仍與前後月經不調治驗同用

附治驗

一婦人年五十內熱晡熱經水兩三月一至此血虛有熱用

山茱萸治之而愈後有痰作渴或小便不調或頭暈白帶用六味丸而安

○當歸散

當歸 酒洗

川芎

白芍藥

黃芩 炒

白朮 炒各半兩

山茱萸肉 半兩

右為末每服二錢酒調日三服氣虛去芩加桂心一兩

附方

○四物湯 方見二十四卷第六論

○小柴胡湯 方見二十四卷第二論

○加味道遙散

○加味歸脾湯

二方見二十四卷第四論

○六味丸 方見二十四卷第十一論

丁補婦人良方

卷一

三

○婦人血分水分腫滿方論第二十

婦人經水不通則化爲血血不通則復化爲水故先因經水斷絕後至四肢浮腫致小便不通名曰血分宜用椒仁丸若先因小便不通後身面浮腫致經水不通名曰水分宜用葶藶丸經脈不通而化爲水流走四肢悉皆腫滿亦名血分其症與水症相類實非水也用人參丸愚按前症或因飲食起居失養或因六淫七情失宜以致脾胃虛損不能生發統攝氣血乖違行失常道若先因經水斷絕後至四肢浮腫小便不通血化爲水名曰血分宜用椒仁丸治之若先小便不利後至身面浮腫經水不通水化爲血名曰水分宜用葶藶丸治之此屬形氣不足邪淫隧道必用此藥以宣導其邪而佐以補輔元氣之劑庶使藥力有所仗而行則邪自不能容而真氣亦不至於復傷矣大凡月水不通疑結於內從而變爲血痕血水相并亦爲水腫

附治驗

一婦人月經不調哺熱內熱飲食少思肌體消瘦小便頻數或用濟陰丸月經不行四肢浮腫小便不通余曰此血分也朝用椒仁丸夕用歸脾湯漸愈服人參丸兩月而愈仍專用歸脾湯五十餘劑而平

一婦人面目浮腫月經不通此水分也朝用葶藶丸夕用歸脾湯漸愈更用人參丸兼服而全愈

一婦人素性急先因飲食難化月水不調或用理氣化痰藥反肚腹膨脹大便泄瀉又加烏藥蓬朮肚腹腫脹小便不利加猪苓澤瀉痰喘氣急手足厥冷頭面肢體腫脹指按成窟脈沉細右寸尤甚余

曰此脾肺虛冷不能通調水道下輸膀胱滲泄之令不行生化之氣不運東垣云水飲留積若土在雨中則為泥矣得和氣暖日水濕去而陽化自然萬物生長喜其脉相應遂與金匱加減腎氣丸料服之小便即通數劑腫脹消半四肢漸溫自能轉側又與六君加木香肉桂炮薑治之全愈後不戒七情不調飲食頓作泄瀉仍用前藥加附子五分而安

○椒仁丸 治血分

椒仁 甘遂 續隨仁 附子炮 郁李仁

黑牽牛炒 五靈脂去 當歸 吳茱萸 玄胡索

芫花酒炒 石膏各二錢 信砒 膽礬各一錢 斑貓糯米炒

芫青各三十箇糯米炒黃去頭足

右為末麵糊丸菴荳大每服十九丸陳皮湯送下

○人參丸 治月經不利而化為水流走四肢悉皆腫滿

人參 當歸 大黃蒸熟切倍 桂心

藟麥穗 赤芍藥 白茯苓各三兩 葶藶炒別研一兩

右為末煉蜜丸桐子大每服十五丸空心米飲下

○葶藶丸 治水分

甜葶藶炒別研五錢 續隨仁五錢別研 乾筍末一兩

右用棗肉丸桐子大每服七丸煎扁竹湯下如大便利減續隨子

葶藶各一錢加白朮半兩

○小調經散 治經水失道流入四肢浮腫 方見產後四肢浮腫

附方

言不效人良方

歸脾湯 方見二十四卷第四論

○金匱加減腎氣丸

方見二十二卷第

○六君子湯

方見二十四卷第六論

三刻太醫院補註婦人良方大全卷之二

臨川 良甫陳自明

編輯

古吳 立齋薛 巳

補註

書林 公仁余元長

重訂

衆疾門

經脈不調衆疾  
生焉故以次之

○產寶方論第一

古人治婦人別著方論者以其胎妊生產崩傷之異况鬱怒倍於男子若不審其虛實而治之多致夭枉

愚按前說誠為精確諺云寧治十男子莫治一婦人寧治十婦人莫治一小兒義可見矣

○博濟方論第二

夫人將攝順理則氣血調和六淫不能爲害若勞傷血氣則風冷乘之脾胃一傷飲食漸少榮衛日衰肌膚黃燥面無光澤若入大腸則下利若入關元則絕嗣故婦人病有三十六種皆繇衝任勞損而致蓋衝任之脉爲十二經之會海其病皆見於少陰太陽之經當於此候之

愚按前論精密學者當從此類推之

○寇宗奭論第三

婦人雖有別科然亦有不能盡聖人之法岐伯曰凡病察其形氣相得則易治形氣相失則難治又曰診病之道觀人勇怯骨肉皮膚能知其情以爲診法今富貴之家身處帷幔出手診候不能盡望聞問切之情率爾投藥烏可盡其術乎况醫者質問諄諄病家遂謂術業不精而不信豈能使藥之奏効耶丹溪云凡人之形長不及短大不及小肥不及瘦人之色白不及黑嫩不及蒼薄不及厚而况肥人濕多瘦人火多白者肺氣虛黑者腎氣足形色既殊臟腑亦異外證雖同治法迥別所以肥人責脉浮瘦人責脉沉躁人疑脉緩緩人疑脉躁以其不可槩觀也若夫病勢危急必須察色以觀其外診脉以知其內醫之道庶乎不至於有誤矣

府庠徐道夫母胃脘當心痛極右寸關俱無左雖有微而欲絕手足厥冷余以上部無脉不吐爲不治然察其眼胞上下青黯此脾虛肝木所勝以參朮茯苓陳皮甘草補中益氣以木香和胃氣行肝氣以吳茱萸散脾胃之寒止心腹之痛遂急與一劑連去二次

再進諸病悉愈

○通用方序論第四

夫通用方者蓋產前產後皆可用也或一方治諸症不可入於專門當通變而施治烏可泥也

○加減四物湯 治血虛月經不調腰腹作痛崩中漏下半產產後惡露內停或去血過多而痛 方見第八十三論

愚按血虛之症若肝脾血燥用加味逍遙散肝火血燥用八珍湯加山梔牡丹皮肝經風熱血燥用六味地黄丸肝脾血燥血虛用四物柴胡山梔肝經氣血虛弱用四君芩歸熟地腎水涸而肝血虛用六味地黄丸金尅木而肝血虛與心火亢而肝血虛亦用前丸若氣虛而血弱用補心湯胃氣陷而血虛用補中益氣湯脾氣

弱而血虛用六君子湯脾氣鬱而血虛用加味歸脾湯大凡血虛之症或氣虛血弱或陽氣脫陷或大失血以致發熱煩渴等症必用四君歸芪或獨參甘溫之劑使陽旺則陰生其病自愈若用寒涼降火乃速其危也

○交加散 治經脈不調腹中撮痛或結聚癥瘕產後中風

生地黄 一斤 取汁 生薑 十二兩 取汁

右以地黃汁炒薑祖薑汁炒地黃祖乾為末每服三錢溫酒調加芍藥文胡索當歸蒲黃桂心各一兩沒藥紅花各五錢尤効

○補中丸 治氣血俱虛諸症即八珍湯為丸 方見二十四卷 第四論

附方

○加味歸脾湯

言和如八良方  
三卷  
三  
○加味逍遙散

○八珍湯

三方見二十四卷第四論

○六味丸

方見二十四卷第十一論

○四物湯

○四君子湯

○六君子湯

○補中益氣湯

四方見二十四卷第六論

○獨參湯

方見三卷第十三論

三刻太醫院補註婦人良方大全卷之三

臨川 良甫陳自明 編輯

古吳 立齋薛 巳 補註

書林 公仁余元長 重訂

○婦人中風諸症方論第一

夫中風者因內虛而中之也蓋風為四時八方之氣常以冬至之日自坎而起從其鄉來者主長養萬物否則各為虛風賊害萬物從背而入或中腑或中臟或中血脉經絡其症或肢體不遂或手足偏枯或痰涎壅塞或口眼歪斜或牙閉緊急或腰背反張若眼開口閉涎流失音者難治如眼閉口開鼾睡遺尿者死中風中氣皆用蘇合香丸中氣用三生飲若作風治百無一生

愚按中風者即內經所謂偏枯風痲風懿風痺是也而有中腑中  
藏中血脉之分焉夫中腑者為在表中臟者為在裏中血脉者為  
在中在表者宜微汗在裏者宜微下在中者宜調榮中腑者多着  
四肢如手足拘急不仁惡風寒此數者病淺皆易治用加減續命  
湯之類中臟者多滯九竅如眼瞽者中於肝舌不能言者中於心  
唇緩便秘者中於脾鼻塞者中於肺耳聾者中於腎此數者病深  
多難治中血脉者外無六經之證內無便溺之阻肢不能舉口不  
能言用大秦芎湯主之中腑者多兼中臟如左關脉浮弦面目青  
左脇偏痛筋脉拘急目瞶頭目眩手足不收坐踞不得此中膽兼  
中肝也用犀角散之類如左寸脉浮洪面舌赤汗多惡風心神煩  
倒言語蹇澁舌強口乾忪悸恍惚此中小腸兼中心也用麻黃湯

如右關脉浮緩或浮大面唇黃汗多惡風口喎語澁身重息  
悒嗜臥肌膚不仁皮肉潤動腹膨不食此中胃兼中脾也用防風  
散之類如右寸脉浮濇而短面色白鼻流清涕多喘胸中冒悶短  
氣自汗聲嘶四肢痿弱此中大腸兼中肺也用五味子湯之類如  
左尺脉浮滑面目黧黑腰脊痛引小腹不能俛仰兩耳虛鳴骨節  
疼痛足痿善恐此中膀胱兼中腎也用獨活散之類此皆言真中  
風也而有氣血之分焉蓋氣虛而中者繇元氣虛而賊風襲之則  
右手足不仁用六君子湯加釣藤薑汁竹瀝血虛而中者繇陰血  
虛而賊風襲之則左手足不仁用四物湯加釣藤竹瀝薑汁氣血  
俱虛而中者則左右手足皆不仁也用八珍湯加釣藤薑汁竹瀝  
其與中風相類者則有中寒中濕中火中氣食厥勞傷房勞等症



如中於寒者謂冬月卒中寒氣昏冒口噤肢牽惡寒脈浮緊用麻黃桂枝理中湯之類中於暑者謂夏月卒冒炎暑昏冒痿厥吐瀉喘滿用十味香薷飲之類中於濕者丹溪所謂東南之人多因濕土生痰痰生熱熱生風也用清燥湯之類加竹瀝薑汁中於火者河間所謂非肝木之風肉中六淫之邪外侵良繇五志過極火盛水衰熱氣拂鬱昏冒而卒仆也用六味九四君子獨參湯之類內有悲怒傷肝火動上炎者用柴胡湯之類中於氣者繇七情過極氣厥昏冒或牙關緊急用蘇合香丸之類誤作風治者死食厥者過於飲食胃氣自傷不能運化故昏冒也用六君子加木香勞傷者過於勞傷元氣脾胃虛衰不任風寒故昏冒也用補中益氣湯房勞虛精耗氣不歸源故昏冒也用六味九此皆

中風者也夫內經主於風河間主於火東垣主於氣丹溪主於濕愚之斯論僭補前人之闕也若夫地之南北人之虛實固有不同其男子女人大畧相似當與後論參看通變治之

附治驗

靳閣老夫人先胸脇脹痛後四肢不收自汗如水小便自遺大便不實口緊目矐飲食頗進十餘日矣或以爲中臟公甚憂余曰非也若風既中臟真氣既脫惡症既見禍在反掌焉能延之乃候其色面目俱赤而面或青診其脈左三部洪數惟肝尤甚余曰胸乳脹痛肝經血虛肝氣否塞也四肢不收肝經血虛不能養筋也自汗不止肝經風熱津液妄泄也小便自遺肝經熱甚陰挺失職也大便不實肝木熾盛尅脾土也遂用犀角散四劑諸症頓愈又用

加味逍遙散調理而安後因鬱怒前症復作兼發熱嘔吐飲食少  
思月經不止此太盛尅土而脾不能攝血也用加味歸脾湯爲主  
佐以加味逍遙散調補肝脾之氣清和肝脾之血而愈後每遇怒  
或睡中手足抽搐伏用前藥卽愈

大叅朱雲溪母于九月內忽仆地痰昧不省人事唇口喎斜左目  
緊小或用痰血之劑其勢稍緩至次年四月初其復作仍進前藥  
勢亦漸緩至六月終病乃大作小便自遺或謂風中於臟以爲不  
治余診之左關弦洪而數此屬肝火血燥也遂用六味丸加五味  
麥門芩歸一劑而飲食頓進小便頓調隨用補中益氣加茯苓山  
梔釣藤丹皮而安至十月復以傷食腹痛作瀉左目仍小兩關尺  
脈弦洪鼓指予以六君加水香吳茱升麻柴胡一劑而痛瀉俱緩

後以六君加肉果故紙一劑諸脈頓平痛瀉俱止余謂左關弦洪  
繇肝火血燥故左目緊小右關弦洪繇肝邪乘脾故唇口喎斜腹  
痛作瀉二尺鼓指繇元氣下陷設以日緊口喎誤作風中投以風  
藥以腹痛泄瀉誤作積滯投以峻劑復耗元氣爲害甚矣後以陽  
虛惡寒因火過熱致痰喘誤服寒劑而卒

一婦人因怒仆地語言蹇澀口眼喎斜四肢拘急汗出遺尿六脈洪  
大肝脈尤甚皆繇肝火熾盛蓋肝主小便因熱甚而自遺也用加  
味逍遙散加釣藤及六味丸尋愈

一老婦兩臂不遂語言蹇澀服祛風之藥反致筋攣骨痛余謂此肝  
火血虛所致用八珍湯補氣血用地黃丸補腎水佐以排風湯年  
餘而愈

一婦人經行口眼歪斜痰涎壅盛此血虛而肝火動用加味逍遙散加牡丹皮治之尋愈後因飲食停滯日吐痰涎此脾氣虛不能攝涎歸經也用六君子二十餘劑而安

一婦人因怒口眼歪斜痰涎上湧口噤發搐此脾肺氣虛而肝木旺用六君子加木香釣藤柴胡治之漸愈又用加味歸脾湯調理而安

一產婦勤於女工忽仆地牙關緊急痰喘氣粗四肢不遂此氣血虛而發瘳朝用補中益氣湯加茯苓半夏夕用八珍湯加半夏各三十餘劑不應此氣血之未復藥之未及也仍用前二湯又五十餘劑尋愈

一婦人素有內熱月經不調經行後四肢不能伸臥床半載或用風濕痰火之劑不効其脉浮緩按之則濇名曰瘳症屬風寒所乘用

加味道遙散加肉桂防風四劑頓愈更以八珍湯調理兩月餘而愈

一婦人素經行後期因勞怒四肢不能屈名曰瘳症此血虛而風熱所乘先用八珍湯加釣藤柴胡漸愈更佐以加味道遙散調理而愈

一婦人四肢攣屈煩痛自汗小便短少畏見風寒脉浮弦緩此氣血虛而風寒濕熱相搏先用東垣清燥湯漸愈再用加味道遙散及八珍湯加牡丹皮而痊

一婦人素有火忽然昏瞶瘳瘳抽搐善伸數欠四肢筋牽痰涎上升此肺金燥甚血液衰少而然也用清燥湯六味丸兼服尋愈

一婦人肢節作痛不能轉側惡見風寒自汗盜汗小便短少雖夏亦不去衣其脉浮緊此風寒客於太陽經用甘草附子湯一劑而瘳

一婦人因怒發搐嘔吐痰涎口禁昏憤氣口脉大於人迎此氣滯而

食厥用平胃散加茯苓半夏木香治之而甦更以六君子加木香  
漸愈乃去木香又二十餘劑而痊

一婦人元氣素虛勞則體麻發熱痰氣上攻或用烏藥順氣散祛風  
化痰丸之類肢體痿軟痰涎自出面色痿黃形體倦怠而脾肺二  
脈虛甚此氣虛而類風朝用補中益氣湯夕用十全大補湯漸愈  
又用加味歸脾湯調理尋愈

一婦人體肥胖頭目眩暈肢體麻木腿足痿軟自汗身重其脈滑數  
按之沉緩此濕熱乘虛也用清燥養活二湯漸愈更佐以加味逍  
遙散全愈

一婦人口眼歪斜四肢拘急痰涎不利而惡風寒其脈浮緊此風寒  
客於手足陽明二經先用省風湯二劑後用秦艽升麻湯而愈

一婦人素性急患肝風之症常服搜風順氣丸秦艽湯之類後大怒  
吐血唇口牽緊小便頻數或時自遺余以爲肝火旺而血妄行遂  
用小柴胡湯加山梔牡丹皮漸愈五年之後又大怒吐血誤服降  
火祛風化痰之劑大便頻數胸滿少食用清氣化痰之劑嘔而不  
食頭暈口乾不時吐痰用導痰降火之類痰出如湧四肢常冷余  
曰嘔而不食胃氣虛弱也頭暈口乾中氣不能上升也痰出如湧  
脾氣不能攝涎也四肢逆冷脾氣不能運行也用補中益氣加茯  
苓半夏治之諸症漸愈又用加味歸脾湯兼服而安

鴻臚王繼之室人素有癩症遇勞役怒氣則發良久自省一日因  
飲食勞役失宜發而半日方省不能言語或以爲風中于臟用祛  
風化痰順氣之劑及牛黃清心丸病益甚六脈浮大兩寸虛而不

及本部且進飲食余曰此脾胃之氣傷也若風中於臟禍在反掌彼不信仍用風藥後果卒

婦人吐痰頭暈肢體麻木 見第四卷

娠婦發搐似中風 見第十四卷

產後發痙似中風 見第十九卷

男子諸症 見內科摘要

○排風湯 治風邪入臟狂言妄語

白鮮皮 白木 白芍藥 桂心 川芎 當歸

防風 杏仁 去皮尖炒 甘草 各二兩 白茯苓 麻黃 去節獨活 各三兩

○三生飲 治卒中不省口眼喎斜痰壅喉響無問外感內傷痰涎食厥氣虛眩暈但六脉沉悉有神効

生南星 生烏頭 去皮尖 生附子 各半兩去皮 木香 一錢

右每服半兩薑水煎不省人事以細辛皂角末少許吹鼻中得嚏進藥氣盛只用南星五錢生薑十四片煎飲之名星薑飲

愚按三生飲乃行經絡治寒痰之良藥斬關奪旗之神劑每服必用人參兩許驅其外邪而補其真氣否則不惟無益適以取敗觀先哲用芪附木附等湯其義可見

○加減小續命湯 治中風半身不遂口眼喎斜手足戰掉語言蹇澁神思昏亂筋攣骨痛或脚氣緩弱陰晦復作

麻黃 去節 防已 人參 黃芩 炒 桂心 甘草 炒

白芍藥 川芎 杏仁 各一兩 附子 炮半兩 防風 半兩

右每服五錢薑棗水煎精神恍惚加茯苓遠志有熱去附子加芍

藥心煩加犀角半兩骨冷痛加桂附嘔逆腹脹加人參半夏一兩  
躁悶便澀去附子加芍藥一兩竹瀝一合臍寒下利去防已黃芩  
加附子白朮一兩自汗去麻黃杏仁加白朮一兩脚弱加牛膝石  
斛一兩身痛加秦艽一兩腰痛加桃仁杜仲半兩失音加杏仁一兩

○小引風湯

防風 獨活 細辛 川芎 五味子炒

白茯苓 人參 白芍藥炒 白朮炒 甘草分

右每服五錢薑三片杏仁五箇水煎服加麻黃蕊蓉附子當歸  
羊角等分即大引風湯也

○必効竹瀝湯

秦艽 防風 獨活 附子炮

治中風痰涎壅盛言語塞滯四肢緩縱  
服病既去以他藥調治未愈再服最効

○星香湯 治中風痰盛服執藥不得者

南星 木香分 ●用每服四錢薑十片水煎

○星附湯 治中風痰涎上攻六脉沉伏不知人事

附子生 南星生 木香半

右每服四錢薑水煎寒甚加天雄川烏多多灸關元丹田二穴  
附方

○三化湯 治中風外有六經之形症先以加減續命湯治內有便

溺之阻隔者此方主之

厚朴薑汁 大黃酒 枳實炒 羌活各八

右每服一兩水煎

○秦艽湯 治中風外無六經之形症內無便溺之阻隔乃血弱不能養於筋手足不能運口強不能言宜養血而筋自榮也

秦艽 石膏各二兩 甘草炒 川芎 當歸 芍藥炒

羌活 獨活 防風 黃芩炒 白芷 生地黃

熟地黃製自 白茯苓 白朮各一兩 細辛半兩

右每服一兩水煎陰雨加生薑七片春夏加知母一兩

○省風湯 治中風口噤口眼喎斜筋脉攣急抽掣疼痛風熱痰實

防風 南星生用各四兩 半夏水浸洗生用 黃芩炒 甘草生用各一兩

右每服五錢水煎

○大八風湯 方見後

○燒竹瀝法 用新竹截尺許作兩片用兩磚對立竹仰磚上中以

火燒之兩頭瀝自出取荆瀝亦然

○烏藥順氣散 治風氣骨節疼痛遍身頑麻手足癱瘓言語蹇澀

宜先疎氣道後隨證投藥

麻黃節去 烏藥 陳皮去白 川芎 白芷

桔梗 枳殼去穢炒 甘草炒各一兩 乾薑炮半兩 僵蠶炒一兩

右每服五錢薑水煎頭痛加葱白有汗加薄荷

○八味順氣散

白朮 白茯苓 青皮 白芷

陳皮炒 烏藥 人參各一兩 甘草炙半兩

右每服五錢水煎

○導痰湯

半夏

南星

茯苓

陳皮

枳實

甘草

右薑水煎服

○參蘇飲

治痰積中脘暈眩嘈雜怔忡噦逆或痰停關節手足羸曳口眼喎斜半身不遂嘔吐惡心頭疼發熱

人參

紫蘇葉

半夏

茯苓

乾葛

前胡

甘草

木香

陳皮

枳殼

苦梗

右每服一兩薑水煎腹痛加芍藥

○附子理中湯

治中寒不語四肢強直昔有武士守邊大雪出帳觀瞻忽然暈倒又馬觀文之內厥逆惡寒腹痛服此悉愈

○牛黃清心丸

方見後

○秦艽升麻湯

治風寒客於手足陽明經口眼喎斜惡見風寒則肢拘急其脈浮緊

秦艽

升麻

乾葛

甘草

芍藥

人參

防風

桂枝

右每劑一兩連鬚葱白二莖水煎服

○犀角散

治肝臟中風筋脈拘攣手足不收坐踞不得胸背強直脇肋脹滿面赤心煩言語蹇澀或風流注四肢上攻頭面作痛口眼喎斜脚膝痛乏

犀角屑

石膏

羚羊角

羌活

人參

甘菊花

獨活

黃芩

天麻

枳殼

當歸

黃芪

芎藭

白朮

酸棗仁

防風

白芷

甘草

丁酉

卷



右水薑煎

○薏苡仁散 治肝臟中風

薏苡仁 去節各一錢半 麻黃 去節各一錢半 防風 附子 炮去皮臍 栢子仁

川芎 桂心 枳殼 炒 石膏 細辛 獨活

羚羊角 各一錢 右薑水煎服

○射干湯 治肝經受病多汗惡風善悲嗑乾目下青黃可治急灸

肝膈百壯一黃一白不可治

射干 芍藥 各二錢半 薏苡仁 三錢 桂心 五分 牡蠣 石膏 各三錢

右作一劑水煎服

○茯神散 治同前或四肢沉重精神不安或痰氣不利

茯神 去木 羌活 麻黃 去節 龍齒 另研 赤芍藥 甘草 炙

蔓荆子 薏苡仁 麥門冬 去心 人參 去蘆

右水薑煎 防風 去蘆 犀角 屑

○遠志湯 治症同前或偃臥不側悶亂胃絕若唇色正赤可治急

炙心膈百壯若青黃不定面色暗睛戰慄動者不可治

遠志 去心二錢半 人參 石菖蒲 羌活

細辛 麻黃 去根各半兩 赤芍藥 白朮 各一兩

右為末每服二錢煎小麥湯調日二服

○防風散 治脾臟中風多汗惡風身體怠惰四肢不能動色微黃

不嗜食舌強語澁口喎斜僻肌膚不仁腹膨心煩翕翕發熱神思

如醉其脈浮緩胸滿痰涎志意昏濁

獨活 一錢半 防風 茯神 去木 人參 附子 炮去皮臍 前胡

丁前胡入良方 三卷 十一

沙參 半夏湯洗七次 黃芪 炒 旋覆花 羚羊角 鎊末 甘草 灸各一錢

○白水湯 治症同前或腹滿身黃嘔吐酸水急灸脾膈百壯目下及手足青者不可治口角兩邊黃者可治

白朮 厚朴製 防風 各二錢 附子 炮去皮臍 橘紅 白蘚皮

○細辛散 治症同前或肉熱肌膚淫淫如蟲行或汗大洩皮膚不

澤唇鼻黃色 細辛 白朮 獨活 附子 炮去皮臍 肉桂 防風 各一錢

厚朴 薑製 麻黃 去節各二錢 枳實 麩炒 甘草 炒各一錢五分

○防風麻黃散 治症同前或志意恍惚肢體沉重

防風 麻黃 去節 人參 川芎 附子 炮去皮臍 桂心 黃芪 炒 赤茯苓 酸棗仁 炒 白朮 獨活 桑白皮 炒

羚羊角 鎊末各一錢 甘草 炒五分

○五味子湯 治肺臟中風胸滿短氣冒悶汗出噓吸顛掉聲嘶體

重四肢痿弱其脉浮晝瘥夜甚偃臥鼻悶其鼻兩邊下至口上至眉其色白者急灸肺膈百壯若色黃其肺傷而為血矣撮空拈衣

模床者必死 五味子 杵炒 杏仁 炒去皮尖 桂心 各一錢 防風 蘆去 甘草 炒

赤芍藥 川芎各二錢 川椒三分

右水煎服

○獨活細辛散 治症同前或頭痛項強背痛鼻乾心悶語蹇胸中少氣四肢疼痛

獨活 細辛 附子炮去皮臍 甘菊花 麻黃去蘆 白芷

五味子 紫苑茸 赤茯苓 肉桂 白朮 川芎

桑白皮 杏仁麩炒去皮 防風各一錢 甘草炙半錢

右水煎服

○獨活散 治腎臟中風腰疼不得俛仰或偏枯耳鳴語聲渾濁面色浮腫骨節痠疼精神昏憤喜怒好忘而肌色黧黑身體沉重多汗惡風隱曲不利或兩脚冷痺頭昏耳聾語音渾濁宜用此

獨活 附子炮去皮臍 當歸酒洗 防風 天麻 桂心各一錢

川芎 甘菊花 枳殼麩炒 山茱萸取肉 黃芪炒 丹參

牛膝酒浸 草薢酒浸 甘草炙 細辛 苜蒲 白朮各半錢

右水煎服

○草薢散 治症同前或脊骨促痛不能行立肌膚黑色兩脇赤黃如餅者可治急灸腎腧百壯齒黃髮禿面如土色者不可治

草薢酒浸 狗脊 杜仲炒去絲 白茯苓去皮各一兩 何首烏

天雄去臍炮 澤瀉各半兩

右爲末每服二錢米飲調下

○吳茱萸丸 治症同前或惡風多汗面色浮腫腰膝疼痛形色憔悴

言不效... 三卷

吳茱萸 細辛 白茯苓 獨活 木香 山茱萸取肉

牛膝酒浸 石斛 草薢酒浸各半兩 附子炮去皮臍 芫蕪各二錢

右為末酒糊丸桐子大每服二十九丸空心鹽湯下日二服

○黃芪丸 治症同前或麻痺腫痛少氣肢體乏力

黃芪炒 川椒炒 茴香炒 川烏頭去皮臍 狼毒 防風

川練子肉 黑附子炮去皮臍 白蒺藜炒 地龍去土炒 赤小豆各等分

右為末酒糊丸桐子大每服二三十丸溫酒下日二服

○四君子湯 ○六君子湯 ○補中益氣湯

○四物湯 四方見二十四卷第六論

○十全大補湯 ○八珍湯

○加味歸脾湯

○小味逍遙散 四方見二十四卷第四論

○理中湯 方見二十卷第八論

○清暑益氣湯

○十味香薷飲 二方見本卷第三論一作二

○東垣清燥湯 方見四卷第二論

○六味丸 方見二十四卷第十一論

○獨參湯 方見本卷第十三論

○小柴胡湯 方見二十四卷第二論

○蘇合香丸 方見後

○羌活湯 方見後

○甘草附子湯 方見後

丁補帶八長方 三卷 十四

言補婦人良方  
三卷  
一四  
○平胃散

方見十一卷第十八論

○婦人中風角弓反張方論第二

論曰婦人氣虛風入諸陽之經或產後血虛汗出中風體強口噤腰背反張名爲發瘳因太陽經先傷風復感寒而致如發癩狀但脈沉遲弦細無汗惡寒名剛瘳有汗不惡寒名柔瘳無汗者葛根湯小續命湯有汗者去麻黃加葛根

愚按仲景先生云太陽病發汗太多致瘳風病下之則瘳三因方云氣血內虛風寒濕熱所中則瘳以風能散氣故有汗而不惡寒曰柔瘳寒能澁血故無汗而惡寒曰剛瘳非專於風濕因內虛發汗亡血筋無所榮而然乃虛象也竊謂傷寒汗下過度與產後瘳癆等病及因剋伐之劑傷損氣血而變若金衰木旺先用瀉劑後用異功散腎水虛用六味丸肝火旺先用加味小柴胡湯次用加味四物湯發熱用加味逍遙散若木侮脾土用補中益氣加芍藥山梔脾經鬱結用加味歸脾湯脾土濕熱用大承氣湯大凡病後氣血虛弱用參朮濃煎佐以薑汁竹瀝時時用之如不應十全大補湯更不應急加附子或用參附湯緩則不救仍與後治驗參看

附治驗

一婦人脾胃虛弱忽痰壅氣喘頭搖目劄手揚足擲難以候脈視其面黃中見青此肝木乘脾土用六君加柴胡升麻治之而甦更以補中益氣加半夏茯苓而痊

○葛根湯 治剛瘳無汗惡風

補婦人良方

三卷

十五

葛根錢一

麻黃去根節

殭蠶炒各三分

桂枝

粉草炒

芍藥各五分

大棗三箇

右水煎出汗為度

凡產後麻黃宜斟酌用

○附木湯

治手足逆冷筋脉拘急汗出項強口噤痰湧

附子炮

白朮

獨活各五分

川芎

肉桂各三分

右棗水煎服

○桂心白朮湯

治陰瘕手足厥冷筋脉拘急汗出不止

白朮

桂心

附子炮

防風

川芎

甘草各等分

右每服五錢薑棗水煎

○八物白朮散

治陰瘕手足厥冷筋脉拘而無汗者

白朮

麻黃去根節

茯苓

五味子炒

羌活各半兩

附子炮

桂心各三錢

良薑錢一

右每服四錢薑水煎

凡用麻黃宜斟酌不可過多

附方

○通關散

治卒然牙關緊急腰背反張藥不得嚥

細辛

薄荷葉

牙皂角各等分

右為末每用少許吹鼻內候得噴嚏隨進湯藥

○瀉青丸

方見二十四卷第三論

○異功散

方見二十三卷第三論

○六味丸

方見二十四卷第十一論

○加味小柴胡湯

方見二十四卷第二論

○補中益氣湯

言補婦人良方 三卷 二方見二十四卷第六論

○加味四物湯 加味逍遙散 ○十全大補湯

○加味歸脾湯 三方見二十四卷第四論

○大承氣湯 方見後

○參附湯 方見十二卷第三論

○婦人中風口噤方論第三

夫中風口噤乃體虛受風入於頷頰蓋手三陽之經結於頷頰且夾於口風邪乘之則筋攣故牙關急而口噤也

愚按前症若風邪客於手足陽明經口服嚼斜用秦艽升麻湯若風熱傷氣用省風湯當與後方同用

附治驗

一婦人因怒經事淋瀝半月方竭遇怒其經即至甚則口噤筋攣身軀頭痛痰痙搐搦瞳子上視此肝火熾甚以小柴胡湯加熟地黃山梔釣藤治之後不復發

一婦人素陰虛患遍身瘙痒誤服祛風之藥口噤抽搐肝脉洪數余曰肝血為陰為水肝氣為陽為火此乃肝經血虛火盛耳宜助陰血抑肝火用四物麥門五味柴胡山梔生草熟地頓止又以八珍黃芪麥門五味釣藤炙草調理而痊

○天南星散 治中風口噤四肢拘急或痰氣上壅

天南星 薑汁炒黃 白附子 炮 黑附子 炮 烏蛇肉 酒炙 全蝎 炒等分

石為末每服半錢薑汁温酒調灌

○走馬散 治中風口噤四肢強直

黑附子炮 天麻各半 桂心 石膏 麻黃去根 蝟梢炒

川烏炮去皮尖 南星炮各一錢 麝香二分另研  
右為末每服三分豆淋酒調灌

附方

○秦艽升麻湯 二方見太平卷第一論

○小柴胡湯 方見二十四卷第二論

○四物湯 方見二十四卷第六論

○八珍湯 方見二十四卷第四論

○婦人中風不語方論第四

巢氏云脾脉絡胃夾咽連舌本散舌下心之別脉係舌本若心脾受邪則舌強不能言然喉嚨者氣之上下也會厭者聲之戶舌者聲之

機關者聲之府若風寒客於會厭故卒然而瘖經云醉臥當風使人發瘖

愚按前症若因痰迷心竅當清心火若因濕痰舌強當清脾熱若因風熱牙關緊急當清肝火若因風痰壅塞喉嚨當導痰涎若因虛火上炎當壯水之主若因氣虛厥逆當益火之源若因腎虛舌瘖而不語當補腎氣

附治驗

一婦人因怒仆地痰湧不語灌牛黃清心丸稍甦用神仙解語湯加山梔柴胡桔梗漸愈又用六君柴胡山梔枳殼而痊

一婦人忽然不語半年矣諸藥不應兩尺浮數先用六味丸料加肉桂數劑稍愈乃以地黃飲子三十餘劑而痊男子多有此症亦用



此藥治之

○神仙解語丹

治心脾受風言語蹇澀痰唾溢盛

白附子炮

石菖蒲去毛

遠志去心甘草水煮十沸

天麻

全蝎

羌活

南星牛膽礮各一兩

木香兩半

右為末麩糊丸桐子大每服二三十丸薄荷湯下

○防風湯

治中風內虛脚軟語蹇

石斛一兩半酒炒

生地黄

杜仲去皮切薑汁炒

丹參各一兩

防風

川芎

麥門冬去心桂心

獨活

右每服五錢棗水煎

○竹瀝湯 治風中肝脾四肢不遂舌強語滯或痰涎上湧

葦靈仙

附子炮

苦梗

蔓荆子

防風

枳殼去穢

川芎

當歸各等分

右每服四錢薑水煎入竹瀝半盞日四服忌飲茶

○三黃獨活湯

治中風手足拘攣半身不遂失音不語

麻黃去節

黃芪兩半

黃芩七錢

獨活兩

右每服四錢水煎取汗為効

○小省風湯

治中風癱瘓口眼喎斜口噤不語手足頑麻

防風

南星湯炮各三兩

甘草炙一兩

右每服四錢薑十片水煎

○秦苧升麻湯

方見本卷第一論

○愈風湯

治諸風肢體麻木手足不隨不能動履等症

天麻

牛膝同酒浸

草薢另研細

玄參各六兩

杜仲七兩

羌活十四兩

當歸 熟地黄白製 生地黄各一斤 獨活五兩 肉桂三兩

右為末煉蜜丸桐子大常服五七十九病甚至百丸空心食鹽溫酒或白湯下

○地黄飲子 治腎虛弱舌瘖不能言足廢不能行

熟地黄自製 巴戟去心 山茱萸去核 石斛 肉蓯蓉酒浸 附子炮

五味子炒 白茯苓 石菖蒲 遠志 桂心 麥門冬去心各等分

右每服三錢入薄荷少許薑棗水煎服

○牛黃清心丸 治諸風癱瘓語言蹇澁健忘恍惚頭目眩暈胸中

煩鬱痰寒喘嗽精神昏憤或尋常風痰咳嗽或傷寒陽症汗下不解發熱煩渴其効如神

牛黃二錢 麝香二錢 龍腦三味 羚羊角一兩 當歸酒

防風 黃芩 白芍藥 麥門冬去心 白朮各一斤 柴胡

桔梗 白茯苓 杏仁去皮 芳藟 肉桂 大豆黃卷

阿膠各一斤 蒲黃 人參去蘆 神麴各二兩 雄黃另研 甘草五兩

白欬七錢 乾薑七錢 犀角鎊末 金箔一兩 乾山藥七兩

大棗一百枚 蒸熟去皮核 研爛成膏

右各另為末煉蜜與棗膏丸每兩作十九丸用金箔為衣每服一九溫水化下

○蘇合香丸 治氣中痰氣上攻牙關緊急不省人事或卒暴氣逆

心痛鬼魅惡氣及一切氣滯等症

沉香 麝香 訶子肉 丁香 青木香

安息香 香附 華撥 白朮 白檀各二兩

薰陸香 蘇合油各一兩 龍腦另研各一兩 朱砂另研 烏犀角另研

右為末用安息香并煉蜜丸桐子大溫水化服四丸每兩作十九  
熔黃蠟包裹為善

○青州白丸子 治半身不遂口眼喎斜痰涎壅塞手足頑麻

半夏七兩水洗過生用 川烏頭半兩去皮生用 南星二兩生用 白附子二兩生用

右為末用絹袋盛之水浸日如急用以糊丸桐子大每服十丸薑湯下

○瓜蒂散

瓜蒂錢二 赤小豆五分

右為末每夜於鼻內啗之取下黃水內服涼劑

○六君子湯 方見二十四卷第六論

○婦人風痺手足不隨方論第五

婦人風痺手足不隨或肌膚疼痛或肢體麻木蓋諸陽之經皆起於手足循行肢體因氣虛風邪所客而為患也

愚按經云邪之所湊其氣必虛前症若風邪淫肝或怒動肝火血燥筋攣用加味逍遙散脾肺氣虛肌膚不仁手足麻木用三痺湯若腎水虧損不能滋養筋骨或肝脾血虛而筋痿痺用六味丸服燥藥而筋攣者用四物生甘草氣血俱虛用八珍湯何醫林集要等方新刊丹溪心法附錄云若人大指麻木不仁或手足少力或肌肉微掣三年內必有大風之症宜先服八風湯天麻丸防風通聖散以預防之殊不知河間云風者病之末也所以中風有癱瘓者非謂肝木之風內中亦非六淫風邪外襲良繇五志過極心火熾盛腎水虛衰不能制之則陰虛陽實而熱氣拂鬱心神昏憤

筋骨無用而卒倒無知也治當以固元氣爲要若遽服八風等藥則反傷元氣適足以招風取中

仍矣本卷首論主治

### 附治驗

一婦人因怒吐痰胸滿服二陳順氣化痰之劑半身不遂內熱口乾形氣殊倦余視之乃肝火熾盛而侮脾土也用逍遙散補中益氣湯六味地黄丸喜其慎疾年餘而愈

一孀婦胸脇脹痛內熱晡熱月經不調肢體痠麻不時吐痰或用清氣化痰藥喉間不利白帶腹脹又用清熱理氣藥胸膈不寬肢體時麻余曰此本鬱怒傷肝脾前藥傷甚耳朝用歸脾湯以解鬱結生脾氣夕用加味道遙散以生肝血清肝火百餘劑而愈後因怒肢體復麻用補中益氣加山梔茯苓半夏而痊後復怒病再作月

經如注脈洪而數此肝火傷脾不能攝血所致也用六君子湯炮薑一劑而血止用補中益氣加炮薑茯苓半夏四劑而胃醒更用歸脾湯逍遙散調理而痊

一婦人頭暈吐痰用化痰理氣藥肢體或麻或眩服祛風化痰藥肢體常麻手足或冷或熱此脾土虛而不能生肺金用補中益氣加茯苓半夏炮薑二十餘劑脾氣漸復諸症稍愈更用加味道遙散三十餘劑而愈後因怒吐痰自服清氣化痰丸飲食不進吐痰甚多胸脇脹滿余用六君子倍加參朮少加木香數劑而康

○三痺湯 治血氣凝滯手足拘攣風痺等疾

續斷

酒浸炒 杜仲

去皮切薑汁炒 防風

桂心

細辛

人參

白茯苓

當歸

白芍藥

炒

黃芪

炒

牛膝酒浸 甘草炒各五分 秦艽 生地黄 川芎 獨活各三分

右薑水煎服

○五痺湯 治風寒濕氣客留肌體手足緩弱麻痺不仁

片薑黃 羌活 白朮 防已各一錢 甘草各五分

右薑水煎服

附方

○東垣羌活湯 治濕熱身重或眩暈麻木小便赤澀下焦痿軟不能行履

羌活 防風 柴胡各一錢 藁本 獨活 茯苓

澤瀉 豬苓 黃芪炒 甘草炙 陳皮 黃柏酒炒

黃連 蒼朮 升麻 川芎各五分 ●右水煎服

○甘草附子湯 治風濕相搏骨節煩疼不時抽痛不能伸屈加之

則痛劇汗出短氣小便不利惡風不欲去衣或微腫痛

甘草炙一兩 附子一枚重一兩三四錢方是炮去皮尖不真不効 白朮炒一兩

桂枝二兩 ●右每服五錢水煎

○八珍湯 治肝脾氣血俱虛不能養筋以致筋攣骨痛或不能行

履或發熱喘熱寒熱往來等症

○加味逍遙散 治肝經風熱血燥筋攣肢體不遂內熱瞞熱等症

○歸脾湯 三方見二十四卷第四論

○六味丸 方見二十四卷第十六論

○四物湯 ○補中益氣湯 ○六君子湯三方見二十四卷第六論

○婦人中風自汗方論第六

有方續命排風越痺等湯皆用麻黃取其發汗而散風邪也然而無汗者為宜若自汗者用之則津液轉脫反為大害故仲景云中風自汗用桂枝湯發搐口眼瞤動遍身出汗用獨活湯續命散以復榮衛而却風邪

愚按前症若腠理不固而自汗者用桂枝湯或防風白朮牡蠣湯若過服風藥而自汗者用白朮防風湯若陽氣虛弱而自汗者用芪附湯若兼盜汗用補中益氣湯送六味丸如不應服用當歸六黃湯

○獨活湯 治風虛昏憤手足痠癢發熱及中風自汗等症

獨活

羌活

人參

防風

當歸

細辛

茯苓

半夏

桂心

白薇

遠志

菖蒲

川芎各五分

●右薑水煎服

○續命散 治風氣昏憤四肢無力口眼瞤動或時搐搦或津液不足渴飲熱湯及產後中風自汗等症

防風

獨活

當歸

人參

細辛

葛根

芍藥

川芎

甘草

熟地黄

半夏

遠志

荆芥穗

各半兩

桂心

七錢

右每服五七錢薑水煎汗不止加牡蠣粉五分

○防風白朮牡蠣散 治中風氣虛腠理不密自汗不止等症

白朮

炒

牡蠣

煨

防風

等分

右為末每服二三錢米飲下日三服如不止服黃芪建中湯

附方

○柴胡桂枝湯 治傷風發熱自汗或鼻鳴乾嘔或痰氣上攻等症

補肺入良方

三卷

三十四

桂枝二錢

黃芩炒

人參

白芍藥

炒各錢半甘草炙

半夏薑製

生薑各一錢

柴胡四錢

大棗二枚

○右作一劑水煎服

○白木防風湯

治服表藥過多而自汗者

白木炒

黃芪炒各二兩

防風一兩

右每服五七錢水煎溫服未應倍之

○芪附湯

方見十九卷第六論

○補中益氣湯

方見二十四卷第六論

○六味丸

方見二十四卷第十一論

○當歸六黃湯

方見十九卷第六論

○婦人筋脉瘈瘲方論第七

新附

醫學綱目云瘈者筋脉急也瘲者筋脉緩也急則引而縮緩則縱而

伸或伸動而不止者名曰瘈瘲俗謂之發搐是也凡癩癩風瘧

破傷風三症皆能瘈瘲但癩癩則仆地不省風瘧瘈瘲則角弓反張

破傷風瘈瘲則有瘡口竊謂瘈者屬肝經風熱血燥或肝火妄動血

傷瘈者屬肝經血氣不足或肝火汗多亡血以致手足伸縮不已抽

搐不利若因風熱血燥用羚羊角散加釣藤鈎山梔若肝火妄動用

加味四物湯加釣藤鈎山梔若肝經血氣不足用八珍湯加釣藤鈎

山梔若肝火亡血用加味逍遙散加釣藤鈎山梔如不應須用六味

丸以補腎水生肝木為王佐以前劑治之若其脉長弦者是肝之本

脉也則易治其脉短澁者是肺金尅肝木也則難治其面色青中見

黑者是水生木也當自命壽中見白者是金尅木也必難愈

附治驗方藥

婦人素口苦月經不調或寒熱妊娠五月兩臂或拘急或緩縱此  
肝火傷血所致也用四物加柴胡山梔丹皮鈞藤鈞治之而愈  
一妊婦因怒寒熱頸項動掉四肢抽搖此肝火血虛風熱用加味逍  
遙加鈞藤鈞數劑而痊

附方

○羚羊角散 方見十四卷第二論

○加味四物湯 方見二十四卷第六論

○八珍湯 ○加味逍遙散 二方見二十四卷第四論

○六味丸 方見二十四卷第十一論

○婦人顫振方論第八 新附

黃帝曰人之顫者何氣使然岐伯曰胃氣不實則諸脉虛諸脉虛則

筋脉懈惰筋脉懈墮則行陰用力不復故為顫因其所在補分肉間  
醫學綱目云顫振與瘈瘲相類瘈瘲則手足牽引而或伸或屈顫振  
則但顫動而不伸屈也胃虛有痰用參朮以補氣茯苓半夏以行痰  
如實熱積滯用張子和三法

愚謂顫振者掉眩也易曰鼓萬物者莫疾乎風鼓之為言動也大  
抵掉眩乃風木之搖運也諸風掉眩皆屬於肝治法若肝木實熱  
用瀉青丸肝木虛熱用六味丸肺金尅肝木用瀉白散肝木虛弱  
用逍遙散加參朮鈞藤鈞脾血虛弱用六君子加芩歸鈞藤鈞胃  
氣虛弱用補中益氣湯加鈞藤鈞若產後顫振乃氣血虧損虛火  
益盛而生風也切不可風為論必當大補斯無誤矣

附治驗方藥



一婦人性善怒發熱經水非過期則不及肢體倦怠飲食少思而顛  
振余以為脾氣不足肝經血少而火盛也午前以調中益氣湯加  
茯苓貝母送六味丸午後以逍遙散送六味丸兩月餘而愈

一婦人身顛振口妄言諸藥不効余以為鬱怒所致詢其故蓋為素  
嫌其夫而含怒久矣投以小柴胡湯稍可又用加味歸脾湯而愈

附方

○海藏愈風湯 治產後一切失血過多及汗後中風搐搦 方見十  
九卷第

論十二

○交加散 治瘰癧或顛振或產後不省人事口吐痰涎

當歸 荆芥穗 等分

右為細末每服三錢水一盞酒少許煎至七分灌下咽即有生

○增損柴胡湯 治產後或經適斷致手足牽搐咬牙昏冒與症

柴胡 八錢 黃芩 炒四錢 半夏 炮三錢 石膏 四錢 知母 二錢 黃芪 炒五錢

甘草 炙二錢 ●右為粗末每服半兩薑五片棗四枚水煎溫服

○本事青鹽丸 治肝腎虛損腰膝無力顛振癱曳

茴香 末三兩 兔絲子 末四兩 乾山藥 末二兩 青鹽 一兩

右先將兔絲子洗淨無灰酒浸晒七日冬天近火煨炙乾另為細末和勻酒糊丸梧子大每服五七十九丸溫酒或鹽湯下常服壯筋力進飲食一婦人素患足癱曳久服此藥履地如故

○本事星附散 治中風能言而手足癱曳脉虛浮而數

天南星 半夏 二味薄切片薑汁浸透 黑附子 白附子 炮 川烏 炮

白僵蠶 炒 沒藥 人參 白茯苓 各等分

一本有予字

右為粗末每服二錢酒水各一盞同煎至八分去滓熱進三二服汗出即瘥○在桐廬有患此症用前藥三服得汗手足即能舉物○三因獨活散 治氣虛感風或驚恐相乘肝膽受邪使上氣不守正位致頭招搖手足顫掉漸成日昏

獨活

地骨皮

細辛

芍藥

菊花

甘味者

防風

去義

甘草

炙等分

右為粗末每服三錢水盞半煎至一盞去滓煎取清汁六分入竹瀝少許再煎一二沸食後溫飲日二服

○世傳茯苓丸 治手臂抽牽或戰掉不能舉物服此藥立愈又治臂痛如神方見後并註兼治之法

附方

○補中益氣湯 方見二十四卷第六論

○六味丸 方見二十四卷第十一論

○加味歸脾湯 ○逍遙散 二方見二十四卷第四論

○小柴胡湯 方見二十四卷第二論

○婦人風寒臂痛方論第九

婦人臂痛或筋脉攣急遇寒則劇者緣肝氣虛弱風寒客於經絡故其脉緊細宜用栝子仁丸栝子仁丸若臂痛不能舉或肩無定處此脾虛邪氣相搏中脘伏痰故其脉沉細如此宜用茯苓丸茯苓丸按經方愚按前症若肝血虛用加味逍遙散中氣虛用補中益氣湯補中益氣湯血氣俱虛用八珍湯八珍湯風熱血燥用秦艽地黃湯秦艽地黃湯脾腎虛寒用栝子仁丸栝子仁丸脾胃實熱用茯苓丸茯苓丸水不能生水用六味丸六味丸逍遙散怒動肝火用

小柴胡加川芎當歸眩暈肺熱用四物柴梔丹皮瞽熱月經不調  
用加味道遙散食少體倦無寐盜汗用加味歸脾湯

附治驗

先太宜人遍身作痛筋骨尤甚不能屈伸口乾目赤頭眩痰壅胸  
膈不利小便赤短夜間殊甚遍身作痒如蟲行此屬肝腎氣虛而  
熱也用六味地黃丸料加山梔柴胡而愈

○栢子仁丸

栢子仁二兩

熟地黃自製二兩

茯苓

枳殼去穢炒

覆盆子炒

五味子炒

附子炮

石斛酒蒸

鹿茸炙

酸棗仁炒

桂心

沉香

黃芪各一兩

各一兩蜜水

右為末煉蜜丸桐子大每服三十九丸空心溫酒下

○舒筋湯

治風寒所傷肩臂作痛及腰下作痛又名五痺湯

片薑黃錢一

甘草炒

羌活各三分

白朮

海桐皮

當歸

赤芍藥各五分

○右水煎服

○茯苓丸

治脾氣虛弱痰邪相搏停於中脘以致臂內筋脉李時而痛

茯苓二兩

半夏薑製二兩

枳殼半兩

風化朴稍一兩

右為末薑汁糊丸桐子大每服二十九丸食後薑湯下

○控涎丹

凡人忽胸背手足頭項腰膝牽痛不定或頭痛昏倦痰

唾稠粘喉中鏗聲手脚重痺此痰涎伏於胸膈也宜此治之

甘遂去心

大戟去皮

真白芥子各等分

右為末糊丸桐子大臨臥薑湯下五七丸痰盛服十丸

○白芥子散

治臂痛牽引背或較或作繇榮衛循行失度痰滯

丁補歸人良步

三卷

三九

經絡或似癱瘓

真白芥子 木鱉子

各三兩 麩炒

沒藥

另研

桂心

木香

各半兩

右為末每服一錢溫酒下

愚按前三方脾氣虛弱者必佐以六君子湯中氣虛弱者必佐以補中益氣湯血虛者必佐以八珍湯脾氣鬱滯者必佐以歸脾湯肝經怒氣者必佐以逍遙散若專用前方治之胃氣益虛病氣益甚不可不謹

○流氣飲 治七情氣滯胸脇悶痞咽喉不利嘔喘面浮二便不調或氣攻肩背脇肋作痛或脚氣喘急腹脹便閉元氣充實者宜用此藥慎之

紫蘇葉

黃芪

青皮

當歸

半夏

烏藥

芍藥

茯苓

桔梗

防風

川芎

陳皮

枳實

木香

甘草

大腹子

一兩 薑製

●右每服半兩薑棗水煎服

○交加散

方見前

○四物湯

治血滯中風血虛手足不遂如臂痛加紅花煎

方見前

○交加散加木瓜牛膝治冷痺肩臂作痛即人參敗毒和五積散

○烏藥順氣散加羌活木瓜治外邪氣滯筋骨作痛或痰氣不利

附方

○秦艽地黃湯

治肝膽經風熱血燥肩臂疼痛或筋脉引急或時

牽痛其內症發熱或寒熱晡熱月經不調或肢體酸痛等症

秦艽

熟地黃

自製 當歸 各一錢

川芎

芍藥

牡丹皮

丁補婦人良方

三卷

三卷

白木 茯苓各一錢半 鈞藤鈞一錢 柴胡 甘草各一分 水煎服

○逍遙散 ○加味逍遙散 ○加味歸脾湯

○八珍湯 四方見二十四卷第四論

○六味丸 方見二十四卷第十一論

○小柴胡湯 方見二十四卷第二論

○四物湯 ○補中益氣湯 二方見二十四卷第六論

○婦人賊風偏枯方論第十

一本偏枯下有使人偏枯四字

論曰賊風偏枯其狀半身不遂肌肉枯瘦骨間作痛經云汗出偏枯如樹木一枝津液不到則枯槁被風所害古人云醫風先醫血血行風自滅治法當用大八風湯增損茵芋酒續斷湯以養其血則風自祛矣

愚按醫風先醫血此論得之大抵此症多因胎前產後失於調養以致精血乾涸肝木枯槁治法當滋其化源考之生氣通天論曰風客淫氣精乃亡邪傷肝也陰陽象大論曰風氣通於肝風搏則熱盛熱盛則水乾水乾則氣不榮故精乃亡此風病之所由作也  
附治驗

一婦人性善怒常自汗月經先期余以為肝火血熱不信乃泛用降火之劑反致月經過期復因勞怒口噤呻吟肢體不遂六脉洪大面目赤色用八珍麥門五味山梔丹皮數劑漸愈兼用逍遙散六味丸各三十餘劑全愈

○大八風湯 治中風偏枯失音不語時復恍惚或昏憤發熱

當歸 杏仁去皮尖 麩炒黃 甘草炒 桂心 乾薑炮各二兩

五昧子炒

升麻各二兩

川烏炮去皮尖

黃芩炒

芍藥炒

獨活

防風

川芎

麻黃去節

秦朮

石斛去根酒浸

茯苓去木

石膏

黃芪炒

紫苑各一兩

大豆三兩去皮尖

右每服五錢水煎服

續斷湯

當歸三兩

陳皮

芍藥炒

細辛各一兩

生地黄二兩續斷酒浸

右每服五七錢水煎服寒下痢加熟附子一兩

金坐虎骨散

治半身不遂肌肉乾瘦忌用麻黃發汗恐津液枯

竭惟當潤筋養血消風

當歸二兩

赤芍藥

續斷酒浸

白朮

藥本

虎骨炙各五兩

烏蛇肉炙半兩

右為末每服二錢酒調骨痛加生地一兩自利加天雄半兩

虎脛骨酒

治中風偏枯四肢不隨一切風痺筋脉攣拳

石斛

石楠葉

防風

虎脛骨炙

當歸

茵芋葉

杜仲炒

牛膝酒浸

續斷酒浸

芎藭

巴戟去心

狗脊各一兩

右以絹囊盛藥用酒一斗漬十日每服一盞溫飲

附方

清

八珍湯

遺選散二方見二十四卷第四論

六味丸

方見二十四卷第十一論

婦人偏風口喎方論第十一

論曰偏風口喎者因體虛受風而入足陽明胃經蓋足陽明之經上夾於口風乘之其筋偏急故也

神效良方 三卷 愚按前症當參本卷首論治之

附治驗 方藥與前諸治驗參看

一婦人懷抱鬱結筋攣骨痛喉間似有一核服烏藥順氣等藥口眼歪斜臂難伸舉痰涎愈多內熱晡熱食少體倦余以為鬱火傷脾血燥生風用加味歸脾湯二十劑形體漸健飲食漸進又用加味逍遙散十餘劑痰熱少退喉核少消更用升陽益胃湯數劑諸症漸愈但臂不能伸此肝經血少而筋攣耳用六味地黃丸以滋腎水生肝血而愈

附方

○升陽益胃湯 治脾胃虛弱肢體怠惰或體重節痛口舌乾渴飲食無味大便不調小便頻數飲食不消兼見肺病洒淅惡寒畏冷不樂乃陽氣不和也

羌活 獨活 防風各五錢 柴胡 白朮

茯苓滑者不用 澤瀉各三錢 人參 黃連炒 陳皮各附錢

右每服三五錢薑棗水煎早溫服如小便愈而病益加是不宜利小便也當少減茯苓澤瀉

○加味歸脾湯 ○加味逍遙散 二方見二十四卷第四論

○六味九 方見二十四卷第十一論

○婦人怔忡驚悸方論第十二

夫心藏神為諸臟之主血氣調和則心神安靜若勞傷心血外邪乘襲則心神驚悸恍惚憂懼不安用排風湯治之

愚按丹溪先生云驚悸者血虛用硃砂安神丸痰迷心竅用定志

凡怔忡者屬火屬痰思慮便動者屬虛時作時止者火動也假如  
病因驚而致驚則神出其舍痰乘而入矣蓋人之所主者心心之  
所養者血心血一虛神氣不守此驚悸之所由生也治當調養心  
血和平心氣而已金氏婦暑月赴筵因坐次失序目愧成病言語  
失倫兩脉弦數余曰當補脾導痰清熱不信以數巫者噴水呪之  
而死或謂病既無邪以邪治之何至於死予曰暑月赴筵外受蒸  
熱辛辣適口內傷鬱熱而况舊有積痰加之愧悶其痰愈盛又驚  
以法尺益驚其神而氣血不寧噴以法水閉其肌膚而汗不得泄  
內燔則陰既消而陽不能獨立不死何待故滑伯仁先生云若膽  
氣虛寒用茯神湯膽氣實熱用酸棗仁丸心氣虛熱用定志膏茯  
苓補心湯心氣實熱用硃砂安神丸茯苓散

附治 方集

文學歸雲橋內月事不及期忽崩血昏憤發熱不寐或謂血熱妄  
行投以寒劑益甚或謂胎成受傷投以止血亦不效余曰此脾氣  
虛弱無以統攝故耳法當補脾而血自止用補中益氣加炮薑不  
數劑而驗惟終夜少寐驚悸別服八物湯不效余曰雜矣乃與歸  
脾湯加炮薑以補心脾遂如初

一婦人勞則心跳怔忡寒熱往來用歸脾湯爲主佐以八珍湯諸症  
漸愈又用加味逍遙散寧志丸而安後復作服歸脾定志二藥愈

一婦人患驚悸怔忡日晡發熱月經過期飲食少思用八珍湯加遠  
志山藥酸棗仁三十餘劑漸愈佐以歸脾湯全愈後因勞發熱食  
少體倦用補中益氣湯又因怒適月經去血不止前症復作先以



加味逍遙散熱退經止又用養心湯治之而痊

一婦人驚悸怔忡無寐自汗盜汗飲食不甘怠惰嗜臥用歸脾湯而愈至年餘懷抱鬱結患前症兼衄血便血仍用前湯而愈

○茯神散 治五臟氣血虛弱驚悸怔忡宜用此安神定志

茯神去木 人參 龍齒研另 獨活 酸棗仁炒各 防風

遠志去心 桂心 細辛 白木炒各 乾薑炮各

右為末每服四五錢水煎服或蜜為丸服

○茯苓補心湯 治心氣不足善悲愁怒衄血而黃五心煩熱或咽嗑痛舌本作強

茯苓四兩 桂心 甘草炒各 紫石英煨

人參各一兩 大棗二十枚 麥門冬去心 赤小豆二十粒

右水七升煎二升半分三服

○茯神湯 治膽氣虛冷頭痛目眩心神恐畏不能獨處胸中煩悶

茯神去木 酸棗仁炒 黃芪炒 栝子仁炒 白芍藥炒

五味子并炒各一兩 桂心 熟地黃自製 人參 甘萆炒各

右每服五錢薑水煎

○酸棗仁丸 治膽氣實熱不得睡臥神思不安驚悸怔忡

茯神去木 酸棗仁炒 遠志去心 櫛子仁炒

防風各一兩 枳殼炒 生地黃并膏各半兩 青竹茹五分

右為末煉蜜丸桐子大每服七八十丸滾湯下

○定志丸 治心神虛怯所患同前或語言鬼恠喜笑驚悸

人參 茯苓各一兩 菖蒲 遠志去心各

右為末蜜丸如前服

○養心湯 治心血虛驚悸怔忡不寧或盜汗無寐發熱煩躁

黃芪 炒

白茯苓

茯神 去木

半夏麩

當歸 酒拌

川芎 各半

辣桂 去皮

栝子仁

酸棗仁 炒

五味子 炒

人參 各三錢

甘草 各四錢

右每服三五錢薑棗水煎

○硃砂安神丸 治心經血虛頭暈心神驚悸等症

硃砂 飛過

黃連 酒洗

甘草 炙五分

生地黄

當歸 各一錢

右為末飯糊為丸每服十五丸如一二服不應當服歸脾湯補之

○治要茯苓散 治心經實熱口乾煩渴眠臥不安或心神恍惚

麥門冬

茯神 各一兩

通草

升麻 各一兩

赤石脂 一兩七錢五分

知母 一兩

大棗 十二枚

紫苑

桂心 各七錢五分

淡竹茹 五錢

○大每服一兩水煎

○補中益氣湯 方見二十四卷第六論

○歸脾湯 ○八珍湯 ○加味逍遙散 三方見二十四卷第四論

○寧志丸 方見後

○婦人失血心神不安方第十三 原無論

竊謂前症若脾肝鬱熱用加味逍遙散脾肝鬱結用加味歸脾湯脾胃虛弱氣血不足用八珍湯十全大補湯脾肺虛弱氣血不足用補中益氣湯六君子湯痰氣鬱滯用六君拮梗貝母如不應審係氣虛但補脾胃如不應獨參湯如惡寒發熱屬氣血俱虛內熱晡熱屬血虛作渴面赤是血脫煩躁皆宜甘苦之劑以補陽氣而生陰血經云血脫補氣若用寒涼之劑以降火則誤矣仍審所

屬之因而治之

○寧志膏 治失血心神不安言語失常不得安睡等症

辰砂另研

酸棗仁炒

人參

白茯苓

琥珀另研各五分

滴乳香一錢研

●右為末每服一錢煎棗湯空心調下

附方

○妙香散 治心氣不足精神恍惚虛煩火睡盜汗等症

甘草炒五分

遠志去心炒

辰砂別研三錢

麝香二錢另研 人參五錢

山藥薑汁炙

木香煨二分

茯苓

茯神去木 黃芪各一兩

桔梗五分

●右為末每服二錢溫酒調

○茯神湯 方見前

○溫膽湯 治膽虛痰熱驚悸不眠

半夏

枳實炒

竹茹各二兩

陳皮

生薑四兩

甘草炒三兩

右每服一兩水煎

○半夏湯 治膽腑實熱精神恍惚寒熱泄瀉或寢汗增風善太息

半夏一分錢

黃芩錢

遠志錢

生地黄二錢

秫米一合

酸棗仁炒三錢

宿砂一分錢

●右長流水煎服

一作秫

○獨參湯 治元氣虛弱惡寒發熱或作渴煩躁痰喘氣促或氣虛

卒中不語口噤或痰涎上湧手足逆冷或難產七後不省喘急用  
好人參二兩或三四兩炮薑五錢一劑水煎徐徐服蓋人參性寒  
故薑佐之如不應急加炮附子

○加味逍遙散

○加味歸脾湯

○八珍湯

○十全大補湯

四方見二十四卷第四論

言補婦人良方  
○補中益氣湯

○六君子湯 二方見二十四卷第六論

○婦人風邪顛狂方論第十四

婦人顛狂，繇血氣虛而風邪所乘。若邪并於陰，則發狂邪并於陽，則發顛。夫顛者，卒發而意不樂，直視仆地，吐湧涎沫，口喎目急，手足撩戾，無所知覺，良久而甦。狂者，少臥不飢，自高賢，自辯智，自貴倨，妄笑歌樂，妄行不休。素問云：陽厥狂怒，飲以鉄落。狂怒出於肝，肝屬木，鉄落金也，以金制木之意。  
一婦人眼見鬼物，言語失常，循衣直視，或作心病治之，無効。投養正丹二服，煎乳香送三，生飲立愈。養正丹三，生飲方見本卷第一論。  
愚妄前症，劉宗厚先生云：有在母腹中受驚者，或有聞大驚而得者，蓋驚則神不守舍，舍空則痰涎歸之，或飲食失節，胃氣有傷，痰停胸膈，而作當尋火尋痰，固元氣若頑痰膠固，上膈必先用吐法。

若在腸胃亦須下之

竊謂此症若因元氣虛弱，或痰盛發熱等，皆是虛象。如慢驚症，無風可祛，無痰可逐，但補脾胃，生氣健旺，神智自清，痰涎自化。若誤用辛散祛逐腦麁之劑，必為敗症。

附治驗

一婦人素清苦，因驚而癩，或用風痰等藥，愈甚。余用參芪歸朮濃煎，佐以薑汁竹瀝三斤餘，方愈。仍參十八十九卷狂言語語乍見鬼神方。

○防風茯苓神散

治風顛啼泣歌笑，或心神恐懼，或語言失常。

防風

茯苓去木

獨活

人參

遠志去心

龍齒

芎藭去毛

石膏

牡蠣煨各一兩

秦艽

禹餘糧煨

桂心各五錢

甘草炒三分

蛇蛻一條

●右每服五錢水煎服

○排風湯

○牛黃清心丸

治諸風緩縱不隨言語寒澁痰涎壅盛怔忡健忘

或發癲狂

二方見本卷首論

○婦人飛尸血厥方論第十五

夫飛尸者遊走皮膚穿行臟腑每發刺痛變作無常遁尸者附骨入肉攻通血脉見尸喪聞哀哭便發風尸者淫灌四肢痛而昏沉得風雪便作沉尸者纏骨結臟內腫心脇發而絞痛遇寒冷便作注尸者舉身沉重精神錯雜時覺昏憤每至節氣便作並宜蘇合香丸治之愚按丹溪云凡人忽手足逆冷肌膚起如米粒頭面青黑精神恍惚或錯言妄語或牙關緊急或昏寐仆倒吊死問喪入廟登墓多有此病先以蘇合香丸灌之次服調氣散平胃散玉机微義云卒

厥飛尸客忤鬼擊口噤用麻黃湯寒厥表熱裏寒則下利清穀食入則吐脉沉手足冷用四逆湯熱厥腹滿身重難轉面垢謔語遺溺手足厥冷自汗脉沉滑用白虎湯若人身忽然不動目閉口噤惡聞聲音眩冒頃時方寤此繇出汗過多氣併於血陽獨上而不下氣壅塞而不行耳氣過血還陰陽復通移時方寤名曰鬱冒亦名血厥宜服白薇湯倉公散

附治驗

錦衣楊永興舉家避青有僕沉醉失避者既而神思昏昧遍身青傷各煎金銀藤湯灌之即愈

一婦人忽昏憤發謔語自云為前謀賴某人銀兩某神責我將你起解往城隍理問兩脚踝膝臀處皆青腫痛不可忍口稱苦楚次日

方甦痛尚不止用金銀藤兩許水煎服即愈

一婦人入古墓患前症以紫金錠灌之即甦通政余子華太常汪用之皆因徃吊而卒死喪家想即是症

○蘇合香丸 方見本卷第四論

○白薇湯

白薇 當歸各一兩 人參 甘草一錢

右每服五錢水煎

○倉公散 治卒中鬼擊心腹如刺下血不省及臥履齒脚指不覺并諸毒等症

皂莢 藜蘆 雄黃研 礬石煨研各等分

右每用少許吹入鼻中未嚏再吹以得嚏為度

○內鼻散

治尸厥脈動靜而若死用石首蒲末吹鼻中仍以桂末安於舌上 蘇合香丸亦可

○硫黃散

治尸厥不省四肢逆冷腹中如雷鳴或痰氣不降

右每服三分酒調灌之良久再服即甦

附方

○麻黃湯

治寒厥或傷寒惡風發熱身疼無汗者

麻黃六錢

桂枝四錢

甘草二錢

杏仁二十枚

右作一劑水煎服

○調氣散

治氣厥不省或痰氣上壅及治氣滯胸膈不利

白豆蔻

丁香

檀香

木香各二錢

藿香

甘草

各錢六錢

砒仁

四錢

●右為末每服二錢入鹽少許沸湯調下

○四逆湯

○白虎湯

二方見七卷第二論

○神仙追毒丸

又名紫金錠又名太乙丹又名神仙解毒萬病丸

能解一切毒或狐狸莽草

毒菌河鮪疫死牛馬肉毒或蛇犬惡蟲所傷及鬼怪惡瘡等毒或

二廣斷腸草蛇毒化菌等毒

文蛤

即五倍子槌破洗焙為末三兩

山茨菰

去皮淨末二兩

麝香

二錢研

千金子

一名續隨子去殼研去油一兩

紅牙大戟

去蘆焙為末一兩半

右用糯米濃飲和作四十粒用井華水或薄荷湯磨服利一兩次

用粥止之修合須端午七夕重陽或天德月德日於淨室焚香修

製効驗不能具述宜珍藏之凡人居家出入不可無此藥嶺外有

婦與旅合陰以定年藥置食中且戒之曰子幾時來果從其言彼

復以藥解之可無恙若過期不徃必死若遇此毒及前一應諸毒

服前藥一粒或吐或下即愈昔有女子勞瘵為尸蟲所噬磨服一


粒吐下小蟲更服蘇合香丸遂愈若菌蕈菰子砒石時行瘟疫山

嵐瘴氣自縊溺水打折傷死瘀血內滯心頭微溫用薑湯磨灌一

粒可甦其急喉閉纏喉風脾腫赤眼癰疽發背諸瘡湯火所傷用

東流水磨塗并服顛邪鬼氣鬼胎煖酒磨服余謂喉閉以下諸症

果能灼見形病俱實乃可用之



古今圖書集成

三卷

四



